

七

72032
7



蘇東坡詩集注卷第八

閒適

貧家一首



貧家淨埽地貧女好梳頭下士晚聞道聊以拙自

修次公莊子聞道雖晚而以勤補拙也扣門有佳客一飯相邀畱厚杜詩一飯未曾留俗客春

炊勿草艸此客未易媮慎勿用勞薪次公晉書荀勗在帝坐進飯謂人曰

此是勞薪所炊咸未之信帝遣問膳夫乃云實用故車脚感我如薰蕕續左傳一薰一蕕十年尚猶有臭德人

抱衡石銖黍安可度次公衡石者秤也銖黍言一銖一黍之重也度藏也

讀道藏堯卿終南縣有上清太平宮宮有道藏先朝所賜書

嗟余亦何幸偶此琳宮居宮中復何有戢戢千函

書師退之贈崔立之詩戢戢已多如束筍盛以丹錦囊師漢武內傳帝見西王母中器中有一卷小黃書盛以紫

錦之囊帝問此何書曰此五岳真形圖也其文祕禁即令女宋靈寶更取一圖以與帝靈寶探懷中得一卷盛以雲錦之囊因以付帝

青霞裾先之乾牒子何讓之見一老翁歌讓之逐入丘王喬掌關化一狐遁去案上得書一紙云何以救裸霞裾雲紉

籥蚩尤守其廬次公蚩尤神名道藏中乘閒竊掀攪涉獵

豈暇徐次公前漢賈山涉獵至人悟一言道集由中虛續莊

道集虛心閒反自照皎皎如笑菓千歲厭世去次公道家

想心如未開蓮花豈此事乎莊子千歲厭世去而上仙也此言乃遽條人皆忽其身治之

用土苴厚莊子道之真以治何暇及天下幽憂吾未除莊

子堯以天下讓子州支父子州支父曰我適有幽憂之疾未暇治天下也

石芝 并引

元豐三年五月十一日夜夢游何人家開堂西門
有小園古井井上皆蒼石石上生紫藤如龍蛇枝

葉如赤箭主人言此石芝也余率爾折食一枝衆

皆驚笑其味如雞蘇而甘明日作此詩

空堂明月清且新幽人睡息來初勻了然非夢亦

非覺有人夜呼祈孔賓續晉書祈嘉字孔賓清貧好學年二十餘夜忽窗中有聲呼曰祈孔賓隱

去來修飾人間事甚苦不可諧所得未毛銖所喪如山崖披衣相從到何許朱闌碧井開

瓊戶忽驚石上堆龍蛇玉芝紫筍生無數鏘然敲

折青珊瑚厚晉武帝賜王愷珊瑚樹高二尺許枝柯扶疎世味如

蜜藕和雞蘇次公本草水蘇主人相顧一撫掌滿堂坐

客皆盧胡次公史撫掌而笑後漢應劭傳昔鄭人以乾鼠為璞鷲之

笑亦知洞府嘲輕脫厚太平廣記許碣遊廬江間嘗醉吟曰閬苑花前是醉鄉誤餐王母九霞觴羣仙拍

手嫌輕脫謫向人間作酒狂 終勝嵇康羨王烈援晉嵇康傳康遇王烈嘗得石髓如飴即自服半餘半與康皆

凝而為石烈歎曰叔夜志趣非常而輒不遇命也

神山一合五百年

續神仙傳王烈之太行山中忽聞山東北如

雷聲烈往視之見石破山裂有一穴青泥流出如髓烈語弟子曰神風吹

石髓堅如鐵

夢回文二首 并序

十二月二十五日大雪始晴夢人以雪水烹小團茶使美人歌以飲余夢中為作回文詩覺而記其一句云亂點餘花唾碧衫意用飛燕唾花故事也乃續之為二絕句云

酞顏玉盃捧纖纖

次公楚詞美人醉朱顏酞子仁孟郊詩雲絃寂寂聽茗盃纖纖捧

亂點餘花

唾碧衫

續趙飛燕外傳后與其妹婕妤坐后誤唾婕妤衣婕妤曰姊唾染人紺碧正似石上花故令尚方為之未必能如此衣之華乃以

為石華廣褒

歌咽水雲凝靜院夢驚松雪落空巖

空花落盡酒傾缸日上山融雪漲江紅焙淺甌新

火活

堯卿唐汧公嗜茶能自煎謂人曰茶須緩火炙活火煎

龍團小碾鬪晴窗

夢雪

殘杯失春溫破被生夜悄開門千山白俯仰同一照雖時出圭角固自絕瑕竅羣兒勿驚懼調汝得一笑

臺頭寺步月得人字

風吹河漢埽微雲

次公古詩微雲澹河漢

步屨中庭月趁人

次公表

白楊郊杜詩突兀猶趁人

浥浥爐香初泛夜離離花影欲搖春遙知

金闕同清景想見羶車碾暗塵回首舊游真是夢

一簪華髮岸綸巾

次公杜詩白纈岸江皋

六月十二日酒醒步月理髮而寢

羽蟲見月爭翻翻我亦散髮虛明軒

厚杜夏夜歎詩吳天出華月茂林延

疎光仲夏苦夜短開軒納微涼虛明見纖毫羽蟲亦飛揚

千梳冷快肌骨醒風露氣入霜

蓬根

黃中真誥大極緣經云髮當數櫛血液不滯髮根常堅

起舞三人漫相屬停杯

一問終無言

援李白詩青天有月來幾時我今停杯一問之

曲肱薤簟有佳處

厚

天寄李蘄州詩笛愁春盡梅花裏簟冷秋生薤葉中

夢覺瓊樓空斷魂

次公翟乾祐與人玩月或曰月中竟

何所有乾祐曰隨我手看之月規半天瓊樓玉宇滿焉良久乃隱

十月十四日以病在告獨酌

翠柏不知秋

次公杜詩荆楊不知秋

空庭失搖落幽人得佳蔭露

坐方獨酌月華稍澄穆露氣尤清薄小兒亦何知

相語翁正樂銅爐燒柏子石鼎煮山藥一杯賞月

露萬象紛酬酢此生獨何幸風纜欣初泊

厚退之詩有如乘風

船一縱不可纜誓逃顏跖網

次公顏淵仁而天盜跖不仁而壽皆不出天地之網

行赴喬松約

赤松子王喬皆神仙

莫嫌風有待

厚莊子列子馭風而行冷然善也旬有五日然後反此雖免乎行猶有所待也

漫

欲戲寥廓冷然心境空彷彿來笙鶴

援神仙傳王子晉好吹笙作鳳皇鳴

後乘白鶴於緱氏山頭舉手謝時人而去

獨酌試藥玉滑殘有懷諸君子明日望夜

月庭佳景不可失作詩招之

鎔鉛煮白石作玉真自欺琢削為酒杯規模定州

瓷荷心雖淺狹鏡面良渺瀰持此壽佳客到手不

容辭曹侯天下平

次公漢書廷尉天下之平

定國豈其師一飲至數

石

續前漢于定國為廷尉用法稱平飲酒至數石不亂

温克頗似之

援詩小宛人之齊聖飲酒温克

風流

越王孫詩酒屢出奇

厚陳平六出奇計

喜我有此客

續晉書桓溫請謝安

為司馬溫甚喜言平生歡笑竟日既出溫問左右曰嘗見我有此客不

玉杯不徒施請君詰歐陽

問疾來何遲

援維摩居士示病說法佛遣文殊問病也

呼兒婦月榭扶病及良

時

厚樂天詩今日正閒天又暖子能扶病暫來無

竹間亭小酌懷歐陽叔弼季默呈趙景貺

陳履常

歲暮自急景

厚文選鮑明遠賦窮陰殺節急景凋年

我閒方緩腸醉餘西

湖晚步轉北渚長地坐略少長意行無澗岡

次公劉禹錫

子歌意行無舊路

久知薺麥青稍見榆柳黃盜盜春欲動

仁子

杜牧之李賀集序春之盜盜不足為其和也

激激夜未央

援詩夜如何其夜未央

水天鷗鷺

靜月露松檜香撫景方婉婉

次公陸士衡歎逝賦老晚晚而將返

懷人重

淒涼豈無一老兵

續晉書謝奕嘗逼桓溫飲溫起走遂引溫一老兵共飲曰失一老兵得一老兵亦何所怪

坐

念兩歐陽我意正麋鹿君材亦珪璋此會恐難久

此歡不可忘

子仁李太白詩明發首東路此歡焉可忘

過子忽出新意以山芋作玉糝羹色香味

皆奇絕天上酥醅則不可知人間決無此

味也

香似龍涎仍釀白味如牛乳更全清莫將南海金

壘膾輕比東坡玉糝羹

續大業拾遺松江鱸膾肉白如雪不腥所謂金壘玉膾東南之佳味也

趙郎中往莒縣逾月而歸以一壺遺之仍

用前韻

東鄰主人遊不歸悲歌夜夜聞春相

續禮鄰有喪春不相

門前

人鬧馬嘶急一家喜氣如春釀王事何曾怨獨賢

續詩大夫不均我從事獨賢室人豈忍交謫謗厚詩我入自外室人交徧謫我大兒踉蹌

越門限續退之詩有兒雖甚憐教示不免簡君來好呼出踉蹌越門限小兒呶啞語繡帳定

教舞袖徹伊涼子仁伊涼曲名更想夜庖鳴甕盎題詩送酒

君勿謂免使退之嘲一餉援退之詩不解文字飲惟能醉紅裙雖得一餉樂有如聚飛蚤

趙既見和復次韻答之

長安小吏天所放日夜歌呼和丞相續曹參為丞相遊後園聞吏醉歌呼

從吏幸相國召案之乃反取酒張坐飲大歌呼與相和豈知後世有阿瞞北海尊前捉

私釀續曹孟德小字阿瞞自言參之後時年饑兵興公表置酒禁孔融爭之因得罪徐邈私飲至於沈醉公怒罰之先生未

出禁酒國詩語孤高常近謗幾回無酒欲酤君却

畏有司書簿帳酸寒可笑分一斗續王績待詔門下省故事官給酒日三升或問

待詔何樂答曰美醞三升差可戀耳侍中陳叔達聞之日給一斗時號斗酒學士日飲無何足表盎厚表盎為吳相

兄子種謂盎曰吳王驕日久如令絲欲刻治彼不上書告君則利劍刺君矣能日飲無何說王無反如此幸得脫更將險語壓

衰翁厚退之醉贈張籍險語破鬼膽只恐自是臺無餉續魯穆公亟餽鼎肉子思曰今而後知君之犬

馬畜及蓋自是臺無餉也

新釀桂酒

善權先生有桂酒頌其序曰楚詞曰奠桂酒兮椒漿是桂可以為酒也有隱居者以桂酒方教吾釀成而玉色香味超然非世間物也

擣香篩辣入餅盆盎盎春溪帶雨渾收拾小山藏

杜甕次公淮南王門下八公又有大山小山之徒當時作招隱士一篇云桂樹叢生兮山之幽又云攀桂枝兮聊淹留招呼

明月到芳尊酒材已遣門生致厚周禮酒人篇以式法授酒材菜把仍

叨地主恩次公杜詩清晨蒙菜把常荷地主恩爛煮葵羹斟桂醕風流可

惜在蠻邨

惠守詹君見和復次韻

已破誰能惜甑盆

續後漢孟敏荷甑墮地不顧而去郭林宗見而問之對曰甑已破矣視之何益

頽然

醉裏得全渾欲求公瑾一倉米

厚周瑜字公瑾嘗過魯肅求貨糧肅家有兩困米困

各三千斛肅乃指一倉與周瑜

試滿莊生五石樽

援莊子惠子曰魏王貽我大瓠之種我樹之成而實五石莊子曰子何不慮以為大樽而浮之江湖也

曰子何不慮以為大樽而浮之江湖也

三杯卯困忘家事萬戶春濃感國恩

刺史不須要半道籃輿未暇走山邨

續晉書刺史王弘每令人候陶潛知

其當往廬山乃遣人賫酒於半道要之至州問其所乘曰素有脚疾向乘籃輿亦足自反

真一酒

米麥水三一而已此東坡先生真一酒也

撥雪披雲得乳泓蜜蠶又欲醉先生稻垂麥仰陰

陽足

次公談數王元景嘗大醉楊遵彥謂之曰何太低昂元景曰黍熟頭低麥熟頭昂黍麥俱有所以低昂

器潔泉新

表裏清曉日著顏紅有暈春風入髓散無聲人間

真一東坡老與作青州從事名

續晉書桓溫有主簿善別酒味以好者為青州從事

庚辰歲正月十二日天門冬酒熟余自漉

之且漉且嘗遂以大醉二首

祖可山居要錄天門冬酒法醇酒一斗六

月六日麩麥一升好糯米五升作飯天門冬煎五升米須淘訖曬乾取天門冬汁浸先將酒浸麩如常法候炊飯適寒温用煎和飲令相入釀之秋夏七月勤看勿令熱秋冬十月熟

自撥牀頭一甕雲

厚白樂天詩南山入舍下酒甕在牀頭

幽人先已醉奇芬

天門冬熟新年喜麩米春香並舍聞

杜子美詩聞道雲安麩米春

圃漸疎雲漠漠竹扉斜掩雨紛紛擁裘睡覺知何

處吹面東風散纈紋

載酒無人過子雲

續揚雄贊時有好事者載酒殺從雄游學

年來家醞有奇芬

醉鄉杳杳誰同夢

厚唐王績有醉鄉記

睡息齁齁得自聞口業

六多十五
向時猶小小厚白樂天詩漸伏酒魔休眼花因酒尚紛紛

援先生嘗云口業不停詩點燈更試淮南語汎溢東風有

穀紋淮南子東風至而酒汎溢

遊諸佛舍一日飲釅茶七瓊戲書懃師僻

示病維摩元不病任維摩詰言從癡有愛則我病生以一切衆生病是故我病若一切衆生病滅則我病滅在

家靈運已忘家續鳥窠禪師謂會通禪師曰汝若了淨智圓妙體自空寂即真出家何假外相汝當為在家菩薩

戒施俱修如謝靈運之流也何須魏帝一丸藥援魏文帝詩與我一丸藥光耀有五色服之四五日身體生羽翼

且盡盧仝七椀茶厚盧仝謝孟諫議寄新茶一椀喉吻潤二椀破孤悶三椀搜枯腸惟有文字五千卷四椀發輕

汗平生不平事盡向毛孔散五椀肌骨清六椀通仙靈七椀喫不得也惟覺兩腋習習輕風生

汲江煎茶

活水仍須活火烹自臨釣石汲深清大瓢貯月歸

春甕小杓分江入夜餅雪乳已翻煎處脚次公茶譜表州之界

橋其茶名甚著不若湖州之研膏紫筍烹之有綠脚垂下也松風忽作瀉時聲枯腸未易

禁三椀臥聽山城長短更

種茶

松間旅生茶已與松俱瘦茨棘尚未容蒙翳爭交

搆天公所遺棄百歲仍穉幼紫筍雖不長厚陸羽茶經紫者上

綠者次筍者上芹者次孤根乃獨壽移栽白鶴嶺土軟春雨後彌

旬得連陰似許晚遂茂能忘流轉苦任杜詩寄語風光共流轉暫時相賞

莫相違戢戢出鳥味厚茶譜蜀州雀舌鳥背麥顆未任供白磨且可資摘

鯁千團輸大官次公大官天子之官主飲食百餅衙私鬪次公茶經建人謂鬪茶為茗戰

何如此一啜有味出吾囿

種松得徠字 其四在懷古堂
其六在石經院

春風吹榆林亂莢飛作堆荒園一雨過戢戢千萬

栽青松種不生百株望一枚一枚已有餘氣壓千

畝槐野人易斗粟云自魯徠徠次公詩徠徠之松魯人不知

貴萬竈飛青煤師兗州出佳墨多用徠徠山松燒煤束縛同一車胡為乎

來哉續西狩獲麟孔子曰孰為來哉泫然解其縛次公許子面縛銜璧以見楚王楚王命解其縛清泉

洗浮埃枝傷葉尚困生意未肯回山僧老無子養

護如嬰孩坐待走龍蛇清陰滿南臺孤根裂山石

直幹排風雷續杜詩幹排風兩尤力爭根斷泉源豈天意我今百日客養此千

歲材茯苓無消息續松脂入土千年化為茯苓雙鬢日夜催古今一

俛仰作詩寄餘哀

戲作種松

我昔少年日種松滿東岡初移一寸根瑣細如插

秧二年黃茆下一一攢麥芒三年出蓬艾滿山散

牛羊不見十年餘想作龍蛇長夜雨波浪碎朝露

珠璣香我欲食其膏已伐百本桑人事多乖迂子

神物竟渺茫揭來齊安野夾路須顙蒼會

開龜蛇窟續松脂入土千年為茯苓狀如龜蛇鳥獸者良不惜斤

斧創縱未得茯苓且當拾流肪釜盎百出入皎然

散飛霜槁死三彭仇次公三彭道書所謂彭質彭躄彭居也神仙傳僧契虛造仙境仙官謂之曰子能伐三

澡換五穀腸青骨凝綠髓丹田發幽光白髮何

足道要使雙瞳方却後五百年騎鶴還故鄉厚王子晉騎鶴

四百七十一
還緱氏山頭
與世人相別

雨後行菜

夢回聞雨聲喜我菜甲長
平明江路濕並岸飛兩
槩天公真富有乳膏瀉黃壤
霜根一蕃滋風葉漸
俯仰未任筐筥載已作杯盤
想艱難生理窄

厚杜詩人生留

滯生理難斗水何直百憂寬

一味敢專饗

次公王羲之云有一味之甘割而分之

小摘飯山僧

厚杜詩自鉏稀菜甲小摘為親情

清安寄真賞芥藍如茵草脆美牙頰

響白菘類羔豚冒土出蹠掌

厚左傳宰夫肺熊蹠不熟

誰能視火候

小竈當自養

和子由種菜久旱不生

新春階下筍芽生廚裏霜壑倒舊罌時繞麥田求

野薺強為僧舍煮山羹園無雨潤何須歎身與時
違合退耕欲看年華自有處鬢間秋色兩三莖

子仁子由

詩云家居閒暇厭長日欲看年華上菜莖

煮菜并序

吾借王參軍地種菜不及半畝而吾與過子終年
飽菜夜半飲醉無以解酒輒擷菜煮之味含土膏
氣飽風露雖梁肉不能及也人生須底物而更貪
耶乃作四句

秋來霜露滿東園蘆菔生兒芥有孫我與何曾同
一飽不知何苦食雞豚

續何曾性奢侈一食萬錢猶云無下箸處

問大冶長老乞桃花茶栽東坡

堯祖大冶縣屬興國軍

周詩記苦茶

續詩誰謂茶苦其甘如薺

茗飲出近世

子仁杜詩茗飲初蔗漿攜所有

緣厭梁肉

續杜詩甲第紛紛厭梁肉

假此雪昏滯嗟我五畝園桑

麥苦蒙翳不令寸地閒

次公杜詩寸地尺天俱入貢

更乞茶子藝飢

寒未知免已作大飽計庶將通有無農末不相戾

春來凍地裂紫筍森已銳牛羊煩訶叱筐筥未敢

睨江南老道人齒髮日夜逝他年雪堂品尚記桃

花裔

獨覺

瘴霧三年恬不怪反畏北風生體疥朝來縮頸似

寒雅燄火生薪聊一快紅波翻屋春風起先生默

坐春風裏浮空眼纈散雲霞

次公李賀詩龜甲屏風醉眼纈

無數心花

發桃李

厚華嚴經菩提心華亦復如是

脩然獨覺午窗明

次公陳後主詩午醉醒來晚無

人夢自驚夕陽如

有意故傍小窗明欲覺猶聞醉鼾聲回首向來蕭瑟處

也無風雨也無晴

謫居三適三首

旦起理髮

安眠海自運浩浩朝黃宮

次公莊子海運則鵬徙於南溟道家以臍下為丹田腦頂為黃宮故

云若要不老還精補腦有河車擊運之法

日出露未晞

續詩兼葭萋萋白露未晞又湛湛露斯匪陽不晞

鬱鬱

濛濛霜松老櫛從我久齒疎含清風一洗耳目明習

習萬竅通少年苦嗜睡朝謁常匆匆爬搔未云足

已困冠巾重何異服轅馬沙塵滿風駿

孝祥柳宗元晉問風駿霧驥

琯鞍響珂月實與杻械同解放不可期枯柳豈易

逢次公先生嘗有詩云誰能書此樂獻與腰金公

午窗坐睡

蒲團盤兩膝竹几閣雙肘此間道路熟徑到無何

有續莊子何不樹之於無何有之鄉身心兩不見息息安且久睡蛇本

亦無何用鉤與手厚遺教經煩惱毒蛇睡在汝心當以持戒之鉤早并除之睡蛇既出乃可安眠神凝

疑夜禪體適劇卯酒厚白樂天詩未如卯時酒神速功力倍我生有定數祿

盡空餘壽枯楊不飛花厚易枯楊生梯何可久也膏澤回衰朽謂

我此為覺物至了不受謂我今方夢此心初不垢

厚藥師經生無垢濁心無怒害心非夢亦非覺請問希夷叟次公陳圖南自號希夷先生有

衣冠子金勵謁先生曰勵向遊華欲見先生先生睡未覺睡亦有道乎先生為詩曰常人無所重唯睡乃為重舉世此為息魂離神不動覺來無所知貪求心愈動堪笑塵地中不知夢是夢

夜臥濯足

長安大雪年厚杜詩漢時長安雪一文牛馬寒毛縮如蝟東薪抱衾裯次公詩肅肅宵征抱衾與

裯任杜詩城中斗米換衾裯相許寧論兩相直雲安市無井斗水寬百憂次公杜引水詩月峽

瞿唐雲作頂亂石崢嶸俗無井雲安汲水僕奴悲魚復移居心自省白帝城西力作盤接筒引水喉不乾人生留滯生理難斗水何直百憂寬令

我逃空谷續莊子逃虛空者聞人足音蹙然而喜孤城笑鵲鷓次公傳鷓鷓嘯夜得米

如得珠厚說苑墨子謂滑釐曰今凶年有欲與子隋侯之珠者又欲與子鍾粟者得粟不得珠得珠不得粟子將誰擇食菜

不敢留況有松風聲厚南史陶弘景隱居聞松風欣然而樂釜鬲鳴颼颼

次公史記蔡澤傳澤入韓魏遇奪釜鬲於塗瓦盎深及膝時復冷暖投明燈一

爪翦快若鷹辭鞞厚退之送侯參謀詩令君行得所勢若脫鞞鷹天低瘴雲重地

薄海氣浮土無重脰藥援左傳郇瑕氏之地上薄水淺於是乎有沈溺重脰之疾獨以薪

水瘳誰能更包裹冠履裝沐猴續漢書項羽傳韓生曰人言楚人沐猴而冠果然

倦夜

倦枕厭長夜小窗終未明孤邨一犬吠厚晉史傳咸云一犬吠形羣犬吠

殘月幾人行衰髮久已白旅懷空自清荒園有

絡緯次公崔豹古今注絡緯促織別名虛織竟何成

縱筆三首

寂寂東坡一病翁白頭蕭散滿霜風小兒誤喜朱

顏在一笑那知是酒紅厚白樂天詩霜侵殘鬢無多黑酒伴衰顏只暫紅

父老爭看烏角巾續杜詩錦里先生烏角巾應緣曾現宰官身次公觀音經云

主宰有官之人不必縣令谿邊古路三叉口獨立斜陽數過人

北船不到米如珠醉飽蕭條半月無明日東家知

祀竈厚後漢孫寶為張忠主簿入舍祭竈請比鄰隻雞斗酒定膳吾援後漢喬玄傳曹操祭玄墓文

曰承從容誓約之言殂歿之後有經由斗酒隻雞過相沃酌

夜燒松明火

歲莫風雨交厚杜詩雞鳴風雨交久旱雨亦好客舍淒薄寒夜燒松明

火照室紅龍鸞快燄初煌煌碧煙稍團團幽人忽

富貴總帳芬椒蘭珠煤綴屋角香詣流銅槃香詣松瀝也出

坐看十八公續三國志丁固夢松生其腹上曰松字十八公後十八年吾其為三公乎俯仰灰燼

殘齊奴朝爨蠟次公晉石崇小字齊奴嘗以蠟代薪萊公夜長歎次公歸田錄寇公自

少富貴不點油燈雖寢室亦然燭所至燭淚成堆海康無此物燭盡更未闌

客俎經旬無肉又子由勸不讀書蕭然清

坐乃無一事

病怯腥鹹不買魚無已白樂天詩下飯腥鹹小白魚爾來心腹一時虛次公

老子虛其心實其腹續黃霸為潁川太守吏食於道傍使君不復憐烏攫烏攫其肉後日吏還霸迎勞之曰

其苦食於道傍乃為烏攫肉也屬國方將掘鼠餘厚蘇武在匈奴單于欲降之乃

食不至掘野鼠艸實而食之老去獨收人所棄厚史記白圭人棄悠哉時

到物之初援莊子老聃方沐孔子見之曰從今免被孫郎笑

絳帕蒙頭讀道書次公孫策字伯符人呼之為孫郎江表傳策欲

州刺史舍前聖典訓廢漢家法律嘗著絳帕頭鼓瑟燒香讀邪

觀碁 并引

余素不解碁獨遊廬山白鶴觀觀中人皆闔戶晝

寢獨聞碁聲於古松流水之間意欣然喜之自爾

欲學然終不解也兒子過乃粗能者儋守張中日

從之戲余亦隅坐竟日不以爲厭也

五老峰前白鶴遺址長松蔭亭風日清美厚陶淵明

天氣澄和我時獨遊不逢一士誰歟碁者戶外屨二斜川詩序

續禮記戶不聞人聲時聞落子厚白樂天池上詩山僧對碁坐

外有二屨紋枰坐對次公杜牧之詩玉誰究此味空鉤意釣豈

下子在魴鯉小兒近道剝啄信指續退之詩剝啄勝固欣然

敗亦可喜優哉游哉援詩優哉游哉聊以卒歲聊復爾耳厚晉阮咸

俗聊復爾耳

出城送客不及步至溪上二首

送客客已去尋花花未開未能城裏去且復水邊

來父老借問我使君安在哉今年好風雪會見麥

千堆

春來六十日笑口幾時開子仁百樂天詩青春只有九十日不開口笑是癡人會作

堂堂去厚古詩青春背我堂堂去白髮欺人故故生何妨得得來續僧貫休詩一餅一鉢垂垂老

萬水千山倦游行老矣厚司馬相如與卓文君歸成都家徒四壁立卓王孫恥之昆弟諸公更謂王孫曰長卿

故倦游雖貧其人材足依也郡東廬山絕類峨眉而小舊隱賦歸哉東望峨眉小廬山翠作堆

被酒獨行徧至子雲威徽先覺四黎之舍

三首

半醒半醉問諸黎次公杜牧詩半醒半醉遊三日竹刺藤梢步步迷厚

家在牛闌西復西堯祖李賀詩家住錢塘東復東但尋牛失覓歸路次公韓非子商太宰問市南門之外牛失何多

總角黎家三小童續詩總角中兮口吹蔥葉送迎翁莫作天

涯萬里意厚古詩相去萬餘里各在天一涯谿邊自有舞雩風

符老風情柰老何朱顏減盡鬢絲多投梭每困東

鄰女續晉謝鯤鄰家高氏女有美色鯤嘗挑之女投梭折其兩齒換扇唯逢春夢婆是日復見符林

寶山書睡十朋杭州圖經云寶山在吳山之南

七尺頑軀走世塵次公選詩首為七尺軀十圍便腹貯天真續邊孝先書睡

君數百人厚晉王導嘗枕周顛膝而指其腹曰卿此中何所有也答曰此中空洞無物足容卿輩數百人導亦不以爲忤

飲酒四首

我觀人間世無如醉中真虛空爲銷殞況乃百憂

身悲哉知此晚坐令華髮新聖人驟難得日且致

弟于朝之曰邊孝先腹便便懶讀書晝日眠次公尹緯腰帶十圍此中空洞渾無物何止容

君數百人厚晉王導嘗枕周顛膝而指其腹曰卿此中何所有也答曰此中空洞無物足容卿輩數百人導亦不以爲忤

飲酒四首

我觀人間世無如醉中真虛空爲銷殞況乃百憂

身悲哉知此晚坐令華髮新聖人驟難得日且致

賢人

左手持蟹螯舉觴矚雲漢天生此神物爲我洗憂
患山川同恍惚魚鳥共蕭散客至壺自傾欲去不
得間

有客遠方來酌我一甌茗我醉方不啜強啜忽復
醒旣鑿渾沌氏遂遠華胥境操戈逐儒生舉觴還
酩酊

雷觴澹於水經年不濡脣爰有擾龍裔爲造英靈
春英靈韻甚高蒲桃難與鄰他年血食汝當配杜
康神

睡起

柿葉滿庭紅顆秋熏爐沈水度春篝松風夢與故
人遇自駕飛鴻跨九州

醉睡

有道難行不如醉有口難言不如睡先生醉臥此
石間萬古無人知此意

蘇東坡詩集注卷第八

蘇東坡詩集注卷第九

貽贈

再過超然臺贈太守霍翔

傳超然臺在密州

昔飲零泉別常山天寒歲在龍蛇間

續後漢鄭玄傳玄夢見孔子告之曰

起起今歲在辰來年歲在巳既寤以讖合之知命當終注引北齊劉書言玄曰辰為龍巳為蛇歲在龍蛇賢人嗟堯卿公辰年冬未罷知密州正在

辰巳山中兒童拍手笑問我西去何當還

厚後漢郭伋行部到河西美稷

有兒童數百騎竹馬迎拜且問何日當還

十年不赴竹馬約扁舟獨與漁蓑閒

重來父老喜我在扶挈老幼相遮攀當時襁褓皆

七尺

次公周禮卿大夫辨夫家之可任者國中自七尺以至六十野自六尺以及六十有五疏云七尺謂年二十六尺謂年十五許先生離

密上云歲在龍蛇間由辰年至今乙丑元豐八年才十年耳而云襁褓皆七尺則亦誇言之也

而我安得畱朱顏

問今太守為誰歟護羌充國鬢未斑

自注翔自言在熙河作屯田有功續

漢護羌校尉趙充國 擊先零上屯田策 躬持牛酒勞行役無復杞菊嘲寒慳

厚先生嘗作後杞菊賦以譏公使庫之儉陋 超然置酒尋舊迹尚有詩賦鑱堅

頑孤雲落日在馬耳 次公馬耳山在密州先生雪詩云試埽北臺看馬耳 照耀金碧

開煙鬟卻淇自古北流水 援水經注却淇之水出西南常山東北流入維維自箕縣北達東武

西北流合却淇之水漢琅邪有扶縣蓋却與扶同音 跳波下瀨鳴玳環願公談笑作

石埭坐使城郭生溪灣

臥病逾月請郡不許復直玉堂十一月一日鑱

院是日苦寒詔賜宮燭法酒書呈同院

微霰疎疎點玉堂 十朋玉堂詳見和章七出守湖州詩注 詞頭夜下攬衣忙

分光御燭星辰爛拜賜宮壺雨露香醉眼有花書

字大老人無睡漏聲長 厚劉禹錫詩老人無睡到天明 何時却逐桑榆

暖社酒寒燈樂未央 續薛令之題東宮詩帝見之續云若嫌松桂寒任逐桑榆暖

冬至日贈安節

我生幾冬至少小如昨日當時事父兄上壽拜脫

膝十年閱凋謝白髮催衰疾瞻前惟兄三顧後子

由一 次公唐孝友傳李華作二孝贊顧後絕配瞻前無鄰 近者隔濤江遠者天一壁今

朝復何幸見此萬里姪憶汝總角時 十朋詩總角中兮 啼笑為

梨栗 續淵明責子詩通子垂九齡但覓梨與栗 今來能慷慨志氣堅鐵石 邦衡皮日

休桃花賦序宋璟疑其鐵腸石心 諸心行復爾世事何時畢詩成却超

然老淚不成滴

成都進士杜暹伯升出家名法通往來吳

中

欲識當年杜伯升飄然雲水一孤僧若教俯首隨韁

鎖續班嗣言貫仁義之料得如今似我能柳子玉云通若及第不

僕偶問通師子若不脫屣場屋今何為矣柳子玉云不過似我能因戲為此詩

祈雪霧豬泉出城馬上有作贈舒堯文

三年走吳越蹋徧千重山朝隨白雲去莫與棲雅

還翩如得木狄次公此杜詩失木狄之反也飛步誰能攀一為符竹

累坐老敲榜間此行亦何事聊散腰脚頑浩蕩城

西南亂山如玳環次公退之詩清玉刺佩聯玳環山下野人家桑柘雜榛

管歲晏風日暖人牛相對閒薄雪不蓋土麥苗稀

可刪願君發豪句嘲笑破天慳

靈隱前一首贈唐林夫

靈隱前天竺後兩澗春宗一靈鷲

續昔有胡僧見杭州靈隱寺云此山自天竺鷲

山飛來故人名之曰天竺山也德揚圖經杭州靈山之陰北澗之陽即靈

隱寺靈山之南南澗之陽即天竺寺二澗流水號錢源泉繞寺峰南北而下

至峰前合為一澗有橋號合澗橋不知水從何處來跳波赴壑如奔雷父駒

韋應物聽嘉陵江聲云水性本亦靜石中固無聲如何兩相激雷轉空山鳴無情有意兩莫測肯向

冷泉亭下相縈回夢仙圖經云冷泉亭在飛來峰下唐右司郎中

杭州刺史元真建厚白樂天冷泉亭記東南山我在錢塘六百日次公在

水餘杭郡為最就郡言靈隱為尤由寺觀我在錢塘六百日錢塘六

冷泉亭為甲亭在山水中央寺西南隅暫來不暖席今君欲作靈隱居葛衣艸屨隨僧蔬

能與冷泉作主一百日不用二十四考書中書續唐書

以身為天下安危者二十和劉長安題薛周逸老亭周善飲酒未七

十而致仕

次公劉長安劉敞原父也薛周莫考其何人但先生謂其善飲酒而子由有詩亦專稱其能飲耳

近聞薛公子早退驚常流買園招野鶴鑿井動潛

蚪

次公晉書言如野鶴之在雞羣又蜀都賦云動高鶴出潛蚪

自言酒中趣

續晉書孟嘉好飲愈多不亂桓温問嘉酒

有何好而卿嗜之嘉曰公未得酒中趣耳

一斗勝涼州

厚續漢書載燉煌張氏家傳曰扶風孟陀以葡萄酒一斗遺張讓即得

刺史翻然拂衣去親愛挽不畱

厚晉書鄧攸傳吳人歌攸曰鄧侯挽不畱謝令推不去

居亦何樂素志庶可求所止嗟無幾所得不啻酬

青春為君好白日為君悠山鳥奏琴筑野花香閒

幽雖辭功與名其樂實素侯

續史記太公曰今有無食祿之奉爵邑之人而樂與之比者命

能載美酒往以大白浮

曰素封又曰千金之家乃與王者同樂豈所謂素封者邪

至今清夜夢尚驚冠壓頭誰

子雖不識因公可與遊

援說苑魏文侯與大夫飲使公乘不仁為觴政曰飲不盡者浮以大白

閱世亭詩贈任仲微

任公鎮西南嘗贈繞朝策

續左傳晉人患秦之用士會也謀歸之士會行繞朝贈之以策曰子

無謂秦無人吾謀適不用也

當時若盡用善陳無赫赫

援孫子曰善陳者無赫赫之功

涼十年後邪正久已白卻畱封德彝天意渺難測

續魏證勸太宗行仁義封德彝笑之其後果治太宗曰恨封德彝之不及見也次公杜牧詩可憐正觀太平後天且不畱封德彝

象賢

真驥種號訴甘百謫

次公前漢陳遵日出醉歸曹事數廢西曹以故事適之侍曹詣寺舍白遵遵曰滿百乃相

聞以故事有百適者斥適讀為謫

豈云報仇讎禍福指絡脈

子仁秦少游作任師中墓表元豐中

公知瀘州使者誣奏公西南乞第過江安時不時掩擊乃延儒生講書疑有私謁朝廷疑之乃先使人下章於他郡各窮竟所考未具而公平時當途者以公既歿為使者道地公之子大防三詣闕

上書陳冤狀獄不敢變使者竟免大防即仲微也

高才食舊德

子仁文選

班固西都賦士食舊德之名氏食舊德字出周易

但恐里門窄

續前漢于定國云少高大門閭令容駟馬車我治獄多陰

德子孫必有興者

傷心千騎歸

次公千騎太守事古陌上桑云東方千餘騎夫婿居上頭

贈印黃壤

隔惟有亭前檜閱世不改色千年與井在記此王

粲宅援杜詩應同王粲宅畱井峴山前

贈潘谷

祖謙志林云賣墨者潘谷余不識其人然聞其所為非市井人也墨既精妙而價不二士或不持錢求

墨不計多少與之一日忽取欠墨錢券焚之飲酒三日發狂浪走遂趨井死人下視之蓋跌坐井中手尚持數珠也見

張元明言如此

潘郎曉蹋河陽春

次公潘郎晉潘岳也嘗為河陽令

明珠白璧驚市人

厚潘岳美

姿儀與夏侯湛交每止行同總接茵京師謂之連壁

那知望拜馬蹄下

續岳性輕躁趨勢利與石崇等諂事

賈謐每候其出輒望塵拜

曾中一斛泥與塵何似墨潘穿破褐琅玕

翠餅敲玄笏布衫漆墨手如龜未害冰壺貯秋月

世人重耳輕目前區區張李爭媿妍

援宋朝張遇李廷珪墨為時所重

一朝入海尋李白

續杜詩巢父掉頭不肯住東將入海隨煙霧又云南尋禹穴見李白道甫問信今何如堯卿先

生既作此詩後潘谷因事落井而死人以為此詩識

空看人間畫墨僊

須溪尋李白本無謂殆識語耳然得名墨

僊幸矣志林豈又欲實此語邪堯卿未必志林也

送南屏謙師

并序

南屏謙師妙於茶事自云得之於心應之於手非
可以言傳學到者十二月二十七日聞軾遊落星遠
來設茶作此詩贈之

道人曉出南屏山來試點茶三昧手忽驚午殘兔
毛斑打作春甕鵝兒酒天台乳花世不見玉川風
腋今安有先生有意續茶經會使老謙名不朽

續玉川子

茶歌七碗喫不得也惟覺兩腋習習清風生陸羽作茶經

又贈老謙

瀉湯舊得茶三昧
覓句近窺詩一斑
續王獻之云管中窺豹時見一斑
清

夜漫漫困搜攪
齋腸那得許堅頑
余少年頗知種松
手植數萬株皆中梁柱
矣都梁山中見杜輿
秀才求學其法戲贈

二首

露宿泥行艸棘中
十年春雨養顛龍
次公都梁山泗上之山也顛龍以言松西

京雜記載松有五鬢七鬢之名
如今尺五城南杜
續雞跖集韋曲杜鄆近長安諺云城南韋杜去天尺五
欲

問東坡學種松

君方掃雪收松子
我已開榛得茯苓
厚抱朴子松脂入地千歲化為茯苓
為問何如插楊柳
明年飛絮作浮萍
次公世言楊花入水經宿為浮萍

贈善相程傑

心傳異學不謀身
自要清時閱搢紳
火色上騰雖

有數
續唐岑文本謂馬周為肩火色騰上必速恐不能久
急流勇退豈無人
次公本朝錢若水見陳搏

先生有一僧擁褐對坐謂若水非神僊骨但卻得好官能於急流中勇退爾其僧乃白閣道者
書中苦覓元非諛

醉裏微言却近真
我似樂天君記取
華顛賞徧洛

陽春
師白居易退老洛中二十餘年

贈虔州術士謝晉臣

屬國新從海外歸
續蘇武自匈奴歸拜典屬國
君平且莫下簾帷
厚嚴君平

賣卜成都閱數人得百錢以自養則閉肆下簾而授老子南華寺乃其道場按傳燈錄即得法於泓忍大師者是已
前生恐是盧行者
次公盧行者第六祖也名惠能韶州

後學過呼韓退之
死後人傳戒

定慧
次公傳燈錄法海禪師初見六祖問曰即心即佛願垂指喻師云聽吾偈曰即心名慧即佛名定定慧等持意中清淨蓋佛氏謂戒生

定定生
慧也
生時宿直斗牛箕
字仁先生蓋自謂生時與退之相似蓋命宮在斗門而身宮亦在焉故其詩曰

我生之辰日宿南斗事見本集 **憑君為算行年看** 次公杜詩憑君為算小行年 **便數生時到死時**

過雲龍山人張天驥

郊原雨初足風日清且好病守亦欣然肩輿白雲道荒田咽蛩蚓邨巷懸黎棗下有幽人居閉門空雀噪西風高正麗落葉紛可埽孤僮臥斜日病馬放秋艸墟里通有無垣牆任摧倒君家本冠蓋絲竹鬧鄰保脫身聲利中道德自濯澡躬耕抱羸疾 次公陶潛云躬耕自資遂抱羸疾 **奉養百歲老詩書膏吻頰菽水媚翁媪飢寒天隨子杞菊自擷芣** 續陸龜蒙自號天隨子常食杞菊及夏五月枝葉老硬氣味苦澀猶食不已因作杞菊賦以自廣云爾杞未棘爾菊未莎其如何 **慈孝董邵南雞狗相乳抱**

厚韓退之詩嗟哉董生孝且慈無人識惟有天翁知生祥下瑞無時期家有狗乳出求食雞來哺其兒 **吾生如寄耳歸計失不早故人豈敢忘但恐迫華皓從君學種秫** 厚晉陶潛為彭澤令在縣公田悉令種秫曰使吾常醉於酒足矣 **斗酒時相勞** 援楊惲曰歲時伏臘斗酒自勞

訪張山人得山中字二首

魚龍隨水落 子仁杜詩水落魚龍夜又云魚龍回夜水 **猿鶴喜君還** 次公孔稚圭北山移文云蕙帳

空兮夜鶴怨山人去兮曉猿驚 **舊隱丘墟外新堂紫翠間** 次公杜牧之詩千峰橫紫翠 **野**

麋馴杖履幽桂出榛菅 次公退之寄崔二十六云稱多量少鑿我密豈念幽桂遺榛菅 **灑埽**

門前路山公亦愛山 張故居為大水所壞新卜此室故居之東援山公山簡也公自謂

萬木鎮雲龍 名山 **天畱與戴公** 子仁戴符常乞買山錢於于頓詩意或指此又潤州有戴公山

路迷山向背人在灤西東 續灤水在夔州奉節縣出於山谷間南入江楚俗謂水可步者為灤杜

詩灤西灤東一萬家甫嘗寓居灤西復遷灤東也 **薺麥餘春雪** 俚退之琴操云霜雪買買薺麥之茂 **櫻桃**

落晚風入城都不記歸路醉眠中

雨中過舒教授

疎疎簾外竹瀏瀏竹間雨窗扉靜無塵几研寒生
霧美人樂幽獨有得緣無慕坐依蒲褐禪起聽風
甌語客來澹無有灑掃涼冠屨濃茗洗積昏妙香
靜浮慮子仁杜詩云心清聞妙香歸來北堂閣二微螢渡此生憂

患中一餉安閒處飛鳥悔前笑

援馬援謂官屬曰吾從弟少游常哀吾慷慨多大志曰士

生一世但取衣食纔足乘下澤車騎款段馮鄉里稱善人足矣至求盈滿但自苦耳當吾在浪泊西里間虜未滅之時下潦上霧毒氣熏蒸仰視飛鳥跼跼隨水中引念少游平生時語何可得也黃犬悲晚悟援李斯臨刑謂中子曰吾欲與狡兔豈可得也自非陶靖節誰識此間趣

大寒步至東坡贈巢三

春雨如暗塵春風吹倒人東坡數間屋巢子與誰
鄰空牀斂敗絮破竈鬱生薪相對不言寒哀哉知

我貧

續史記管仲曰吾嘗與鮑叔賈分財利多自與鮑叔不以我為貪知我貧也

我有一瓢酒獨飲

良不仁未能賴我頰聊復濡子脣故人千鍾祿馭

吏醉吐茵

厚前漢丙吉傳吉馭吏嗜酒數逋蕩嘗從吉出醉嘔丞相車上西曹主吏白欲斥之吉曰以醉飽之失去士使此人將

復何所容西曹第忍之此不過汚丞相車茵耳那知我與子坐作寒蠶聲努力莫
怨天我爾皆天民行看花柳動共享無邊春

贈孫莘老七絕

嗟余與子久離羣耳冷心灰百不聞若對青山談
世事當須舉白便浮君厚劉向說苑魏文侯與大夫飲酒使公乘不仁為觴政曰飲不釂者浮以大白

吳都賦出躡珠履動以千百里燕巷飲飛觴舉白

天目山前淶浸裾

次公天目山在湖州按樂史寰宇記湖州安吉縣天目山三萬六千尺父老云欲渡難及避水

災天目海陵山為第一而水經浙江水出吳興郡於潛縣北天目山山極高峻崖嶺竦疊西臨後澗山上有霜木皆是數百年樹謂之雙鳳林按王存九域志湖州南至杭州界首十五里故天目山於寰宇記則係之湖州於水經則係之於潛而於潛雖屬杭州蓋與湖州接壤也碧瀾堂下

看銜鱸

次公舳鱸相銜

作隄捍水非吾事閒送茗溪入太湖

次公先生倅杭以開運鹽河至湖其言作隄捍水非吾事意謂於此可以為隄而事不在已

夜來雨洗碧巒岼浪湧雲屯繞郭寒聞有弁山何

處是為君四面竟求看

次公弁山按寰宇記載在烏程縣

夜橋燈火照溪明欲放扁舟取次行暫借官奴遣

吹笛明朝新月到三更

次公溪應是前篇所謂茗溪也寰宇記又載在烏程縣水雪溪條下云雪渚四

水激射之聲蓋四水合為一溪也曰茗溪曰前溪曰餘不溪曰雪溪也

三年京國厭藜蒿長羨淮魚壓楚糟今日駱駝橋

下泊恣看修網出銀刀

次公駱駝橋唐垂拱元年造以形似駱駝背名之劉禹錫詩曰駱駝橋上蘋風

起鸚鵡杯中若下春杜詩出網銀刀亂

烏城霜稻襲人香

次公烏程是湖州縣名寰宇記曰古烏程能醞酒故名縣又指酒為烏程按張景陽七命之言

酒曰乃有荆南烏程豫北竹葉而李善引盛弘之荆州記曰淶水出豫州康樂縣其間烏城鄉有酒官取水為酒極甘美與相東鄱湖酒年常獻之

釀作春風雪水光

次公按寰宇記此專在長興縣之雪水條中而茗水在安吉縣大率一水二名之所經歷而皆是

耳時復中之徐邈聖

續魏志徐邈為尚書郎時科酒禁而邈私飲至於沈醉校尉趙達問以曹事邈曰中

聖人達白太祖太祖甚怒鮮于輔進曰平日醉客謂酒清者為聖人濁者為賢人耳竟得免後文帝見邈問曰頗復中聖人不對曰昔子反斃於陽

穀御叔罰於飲酒臣嗜同

毋多酌我次公狂

厚西漢蓋寬饒字次公為司隸平恩

侯許伯入第丞相已下皆賀寬饒東鄉特坐許伯自酌曰蓋君後至寬饒曰無多酌我我乃酒狂丞相魏侯笑曰次公醒而狂何必酒也

去年臘日訪孤山曾借僧窗半日閒

次公孤山在杭州見前卷先生臘日遊孤

不為思歸對妻子道人有約徑須還

山訪勤思二僧詩注

蘇東坡詩集注卷九

至秀州贈錢端公安道并寄其弟惠山老

鴛鴦湖邊月如水孤舟夜傍鴛鴦起平明繫纜石

橋亭慚媿冒寒顙御史次公指言錢安道也安道顙而為御史故也結交最晚

情獨厚論心無數今有幾寂莫抱關歎蕭生續前漢蕭望之

傳霍光秉政王仲翁與蕭望之等數人皆召見先是上官桀等謀殺光後出入自備吏民當見者先露索去刀兵兩吏挾持望之獨不肯聽自引出

曰不願見於是光不用望之而仲翁至光祿大夫望之署小苑東門侯仲翁出入傳呼甚寵顧謂曰不肯碌碌反抱關為望之曰各從其志者

老執戟哀揚子厚前漢揚雄傳贊云為郎給事黃門與王莽劉歆並哀帝之初又與董賢同官當成哀平間莽賢皆

為三公權傾人主而雄三世不徙官及莽時以耆老久轉為大夫蓋黃門郎掌守門戶故執戟潘岳詩云執戟疲揚怪君顏采

却秀發無乃遷謫反便美天公欲困無柰何世人

共抑真疎矣毗陵高山錫無骨陸子遺味泉冰齒

次公毗陵常州也高山惠山也陸子陸羽也羽善煎茶次第水品以無錫惠山寺石泉為第二包吉贈劉尊師詩曉漱瓊膏冰齒寒祖謙按韻語

陽秋云汝州之治諸井皆以夾錫錢鎮之每井率數十千問其故一老兵曰此邦饒風沙沙入井中人飲之即成癭夾錫錢所以治沙土也因思無錫惠山泉清甘甲於二浙者以有錫也賢哉仲氏早拂衣占斷此山長洗耳厚晉孫楚

曰所以枕流欲洗其耳山頭望湖光潑眼山下濯足波生指儻容逸

少問金堂續許謫嘗遺羲之書云自山之南至臨安多有金堂玉室僊人芝艸左元放之徒在焉羲之自為之傳記與

嵇康畱石髓援嵇康遇王烈共入山烈嘗得石髓如飴即自服半餘半與康凝而為石烈歎曰叔夜志趣非常而不遇命也

贈治易僧智周

寒窗孤坐凍生餅沈唐鄭棨詩東餅粘柱礎尚把遺編照露螢續

肩以練囊盛螢火照讀書閣東九師新得妙厚淮南王安聘明易者九人號九師文中子云九師興而易道

微次公晉庾翼傳京兆杜乂陳郡殷浩並才名冠世而翼弗之重也每語人曰此輩宜束之高閣俟天下太平然後議其任耳退之詩春秋五傳束

高閣夢吞三畫舊通靈援吳虞翻立易注奏上曰臣郡吏陳恍夢

臣乞盡吞之道士言斷弦挂壁知音喪師與契嵩淡相知時已逝矣揮塵

易道在天三文足矣

空山亂石聽厚生法師講經人無信者乃聚石為徒與談至理石皆若點頭齋罷何須更

臨水援晉書佛圖澄嘗齋時至流水則從腹旁孔子引出五藏六府洗之訖還納腹中胃中自有洗心

經

除夜病中贈段屯田堯卿段釋之也

龍鍾三十九勞生已強半歲莫日斜時還為昔人

歎樂天詩云行年三十九歲莫日斜時今年一線在那復堪把玩厚杜詩何人錯憶窮愁日

愁日愁隨一線長歲時記宮中以細線量日影至日日影添一線堯卿柳子厚書曰悠悠人世越不過三十年客耳前過三十七年與瞬息無異後所得者其不足

把玩亦已審矣欲起強持酒故交雲雨散惟有病相尋

空齋為老伴續白居易詩病與樂天相伴住蕭條燈火冷寒夜何時旦

厚甯戚扣牛角歌曰長夜漫漫何時旦倦僕觸屏風續陳萬年病召其子咸教戒於牀下語至夜半咸睡頭觸屏風

飢語嗅空案數朝閉閣臥霜髮秋蓬亂韓詩首如飛蓬傳聞

使者來策杖就梳盥書來苦安慰不怪造請緩大

夫忠烈後續段太尉諡曰忠烈朱泚反召段秀實議事秀實戎服與源休並膝語至僭位秀實勃然而起執源腕奪其象笏奮

躍而前唾泚面大罵曰狂賊吾恨不斬汝頭爾我豈逐汝反邪遂擊之泚舉臂自捍才中其額血流匍匐而走高義金石貫

要當擊權豪未肯覩衰懦此生何所似暗盡灰中

炭歸田計已浚此邦聊假館三徑粗成資續三輔決錄曰蔣詡字元

信宿續凡師一宿為舍再宿為信庶奉一笑粲次公公羊曰軍人粲然皆笑

喬太博見和復次韻答之

百年三萬日老病常居半任太白詩百年三萬六千日子仁列子楊朱曰百年壽之大齊得年

者千無一焉設有一者孩抱以逮昏老幾居其半矣夜眠之所弭晝覺之所遺又幾居其半矣痛疾哀苦亡失憂懼又幾居其半矣其間

互憂樂歌笑雜悲歎顛倒不自知直為神所玩須

與便堪笑萬事風雨散自從識此理久謝少年伴

逝將遊無何厚莊子遊於無何有之鄉豈暇讀城旦續西漢賈太后好老子書召問鞬固固曰此家

人言耳太后怒曰安得司空非才更多病二事可并案堯卿

城旦書乎乃使固入圈擊毘媿煩賢使者弭節曹操

整紛亂喬侯瑚璉質清廟嘗薦盟厚清廟祀文王也奮穎

百吏走坐變齊俗緩續朱博為琅邪太守齊部舒緩養名博新

觀齊兒欲以此為俗邪皆斥罷諸病吏白巾走出府門又救功曹官屬多

未遭甘鷁退援左傳六鷁退並進恥魚貫厚易魚貫以宮人

則恥如魚之貫堯卿鄧艾每聞議論餘凜凜激貪懦莫邪寵次公並眾而進

當自躍援莊子曰大冶鑄金金踴躍曰我豈復煩爐炭便應朝

秣越未莫刷燕館續顏延年天馬賦旦刷幽燕畫秣胡為守

荆越師李白詩雞鳴刷幽晡秣越

故丘眷戀桑榆暖次公唐明皇續薛令之詩曰任逐桑榆暖為君叩牛角一詠

南山粲續甯戚候齊桓公出扣牛角而歌曰南山粲粲白石爛生不逢

堯與舜禪短布單衣才至胛從昏飯牛至夜半長夜漫漫何

二公再和亦再答之

寒雞知將晨飢鶴知夜半次公雞知將晨鶴亦如老病

客遇節常感歎光陰等敲石任白居易詩蝸牛角上爭過

眼不容玩親友如搏沙放手還復散羈孤每自笑

寂莫誰肯伴元達號神君晉循吏喬智明字元達續元達高

論森月旦續許劭與從兄靖俱有高名好共覈論鄉黨紀明本賢

將段釋之本將家續段穎字紀明為護羌校尉窮討西羌甚有威泣

沒事堆桮次公嵇康書欣然肯相顧夜閣燈火亂盤

堆桮滿机

空媿不飽酒薄僅堪盥雍容許著帽不怪安石緩

〔續〕桓溫請謝安為司馬溫詣安直其理髮安性遲緩久而方罷使取幘溫見留之曰令司馬著帽進其見重安者如此雖無窈窕

人清唱弄珠貫〔續〕禮記繫累然端如貫珠幸有縱橫舌說劍起慵

懦〔續〕莊子有說劍篇二豪沈下位暗火埋溼炭豈似艸玄人嘿

嘿老儒館行看富貴逼〔厚〕周武帝謂楊素曰善自勉勿憂不富貴素曰臣恐富貴來逼人臣無心

於富貴炙手借餘暖〔厚〕唐元載為相有用事者四人熏灼中外人為之語曰卓李鄭薛炙手可熱〔次公〕杜詩炙手可

賦王粲〔次公〕王粲以西京擾亂乃避地荊州依劉表因登江陵城樓懷歸而作登樓賦應念苦思歸登樓

贈王仲素寺丞名景純

養氣如養兒〔續〕老子專氣致柔能如嬰兒乎〔次公〕醫經云欲養兒慎風池棄官如棄泥〔厚〕

子棄隸者如棄泥塗人皆笑余拙事定竟難迷歸耕獨患貧問

子何所齋尺宅自足芘寸田有餘畦〔厚〕黃庭經寸田尺宅以治生兩眉間為上

丹田心為絳宮田臍下三十為下丹田明珠照短褐陋室生虹蜺雖無孔方

兄〔續〕魯褒著錢神論云親之如兄字曰孔方顧有法喜妻〔援〕維摩詰言法喜以為妻彈琴一

長嘯不答阮與嵇〔援〕孫登好讀易撫一弦琴住宜陽山文帝聞之使阮籍往觀既見與語亦不應嵇康又從之遊

三年問其所圖終不答〔續〕阮籍嘗於蘇門山遇孫登與商略棲神導氣之術登不應籍因長嘯而退曹南劉夫子〔次公〕

子豈劉宜翁乎先生在惠州時有書與宜翁咨問道要自以為杜門屏居胸中廓然實無荆棘有受道之質可以付授且曰或有外丹已成可助梨棗者

望不惜分惠其書具在毗陵後集堯卿劉安世待制字器之曹南人得養生煉丹術公嘗師之名與子政齊家有

鴻寶書〔續〕劉向字子政父德治淮南王獄得枕中鴻寶苑祕書言神僊使鬼物為金之術向幼而讀誦以為奇獻之不鑄

金裹蹄〔厚〕武帝紀太始二年三月詔曰有司議曰朕郊見上帝西登龍首獲白麟以饋宗廟渥洼水出天馬泰山見黃金宜改故名今更

黃金為麟趾裹蹄以協瑞焉促邾問道要遂蒙分刀圭〔續〕退之詩金丹別後知傳得乞取刀

圭救病身〔孫〕本草丸散藥有云刀圭者十分方寸上之一堆如梧桐子大不忍獨不死尺書有見梯

〔孫〕東坡詩集注卷九

文蔚堂

次公孟簡告韓退之曰我得秘藥不可獨不死今遺子一器

我生本彊鄙少以氣自擠孤

舟倒江河赤手攬象犀年來稍自笑畱氣下暖臍

苦恨聞道晚意象颯以淒空見孫思邈區區賦病

黎續盧照鄰得惡疾從孫邈問養生之道作病黎賦以自悲

余去金山五年而復至次舊詩韻贈寶覺

長老曹案年譜先生熙寧七年自杭移密至元豐二年己未自徐移湖首尾凡五年

誰能斗酒博西涼厚後漢孟佗以蒲萄酒斛遺張遜即拜佗涼州刺史但愛齋廚法

豉香舊事真成一夢過高談為洗五年忙清風偶

與山阿曲明月聊隨屋角方稽首願師憐久客直

將歸路指茫茫師淮山警策云一朝臥疾在牀衆苦縈纏前路茫茫未知何往

贈惠山僧惠表

行徧天涯意未闌洪父成都古今記天涯石在大東門內昭覺寺相對高六七尺將心到處

遣人安次公傳燈錄惠可謂達磨曰我心未寧乞師與安曰將心來與汝安曰覓心了不可得師曰我與汝安心竟山中

老宿依然在案上楞嚴已不看次公案上惟有楞嚴經事亦見傳燈錄敲枕

落花餘幾片閉門修竹自千竿客來茶罷空無有

盧橘楊梅尚帶酸次公上林賦云盧橘夏熟黃柑橙榛枇杷燃柿唐子西作李氏山園記言園中盧橘為特盛世

說孔融指楊梅戲謂楊修曰此君家果邪

贈錢道人

書生苦信書世事仍臆度不量力所負輕出千鈞

諾當時一伎意事過有餘作不知幾州鐵鑄此一大

錯續北夢瑣言羅紹威以魏博牙兵驕甚盡殺之遂為梁朱溫所制乃謂親吏曰聚六州四十三縣鐵鑄一箇錯不成我生涉

憂患常恐長罪惡淨觀殊可喜脚淺猶容却而況

錢夫子萬事初不作相逢更何言無病亦無藥燈錄一鉢歌亦無藥亦無病正是真如靈覺性

贈黃山人

面頰照人原自赤眉毛覆眼見來烏次公杜詩瑣石藤梢元自落倚天枯

骨見倦遊不擬談玄牝續老子谷神不死是謂玄牝玄牝之門是謂天地根示病何妨

出白須次公維摩詰以方便示病而說法絕學已生真定慧次公老子絕學無憂佛書有戒

慧說禪長笑老浮屠東坡若肯三年住親與先生

看藥爐

贈袁陟

堯卿字世弼豫章人自號遜翁有集十卷嘉祐間終秘書丞

是身如虛空萬物皆我儲胡為強分別次公維摩經又言仁者強分別

百金買田廬不見袁夫子神馬載尻輿續莊子假使化子之尻以為輪

以神為馬余因以乘之豈更駕哉游乎無何有厚莊子游於無何有之鄉一飯不願餘次公

柳子厚贈江華長老詩云一飯不願餘跣趺便終夕官湖為我池學舍為我居何以

遺子孫子仁後漢逸民傳劉表謂龐公曰先生若居畎畝而不肯官祿後世何以遺子孫乎此身自蘧蔭

次公蘧蔭之義有二有言曰柔者又云能仰而不能俯則國語蘧蔭蒙繆是已有云麗竹席則詩云蘧蔭不鮮是已今義未審熏風暗

楊柳秋水靜芙蓉應觀我知子不怪子知魚援莊子與惠子

觀魚於濠梁之上莊子曰從容是魚樂也惠子曰子非魚安知魚之樂莊子曰子非我安知我不知魚之樂

贈章默

并序

章默居士字志明生公侯家才性高爽棄家求道

不蓄妻子與世無累而父母與兄之喪貧不能舉

以是眷眷世間不能無求於人余深哀其志既有

以少助之又取其言為詩以贈其行庶幾有哀之

者

章子親未葬餘生抱羸疾朝吟噎鄰里夜淚腐茵

席前年黑花生今歲白髮出厚本朝王禹偁表云早年多病眼有黑花晚歲多憂頭生白髮

身隨日月逝恨與天地畢願求不毛田次公傳云錫之不毛是已親

築長夜室難從王孫裸厚前漢楊王孫病且死令其子曰吾欲裸葬以反吾真未忍夏

后聖援禮記有虞氏瓦棺夏后氏聖周注聖燒土葬也五陵多豪士厚高帝葬長陵惠帝安陵景帝陽陵武帝茂陵昭帝平陵五陵皆在長安北徙天下豪傑之家以實之

百萬付一擲厚晉劉毅家無擔石之儲樗蒲一擲百萬

心知義財難甘就貧及乞不辭毛粟施行自丘山

積此志苟朝遂夕死真不戚誓求無生理不踐有

為迹棄身尸陀林次公案唐僧玄應一切經音義曰尸陀林此言寒林其林幽邃而寒因以名也在王舍城側死人多送其中師通明七賢女經云七賢女者並是諸大國王之女遇賞花之節百千人眾各各奔趨所遊之處以為取樂七賢女中有一女曰諸姊妹

我與汝等不可一同眾人遊賞塵寰取其世樂也却同諸姊妹遊尸陀林諸姊妹曰彼處盡是死尸汗穢有何好事女曰諸姊妹但去甚有好事既到林中遂指死尸謂諸姊妹曰尸在這裏人向什麼處去諸姊妹諦觀於是悟道又西域記言如來在日葬比丘於尸陀林又三水小瀆云僧從諫卒上言送尸於建春門外尸陀林施與鳥獸為食三日後人往視之體貌如生

烏為任狼藉次公莊子上為鳥為食下為螻蟻食

贈葛葦

竹椽茅屋半摧傾肯向蠶窠寄此生續有學逃生死法者乃詐死寄魂魄

於蠶窠中鬼卒尋之了不可得次公蠶窠寄此生不過言其所居窄小而懸露耳先生又有師曰舉族長懸似細腰舊注所引與詩意不相似非是

長恐波頭卷室去欲將船尾載君行小詩試擬孟

東野大艸閒臨張伯英厚張芝字伯英善艸書其後晉人衛瓘索靖亦俱善草書論者謂瓘得伯英

筋靖得伯英肉消遣百年須底物故應憐我不歸耕

贈王寂

與君暫別不須嗟俯仰歸來鬢未華記取江南煙

雨裏青山斷處是君家

贈杜介 并序

元豐八年七月二十五日杜幾先自浙東還與余相遇於金山話天台之異以詩贈之

我夢遊天台橫空石橋小續天台山記云石橋路不盈尺長數十丈下臨千丈深澗惟忘其身

然後能濟渡得平路始見所謂天台者秋風吹萼露次公萼艸上之露也宋永初山川記曰寧州瘴氣萼露四時不絕

萼者艸名其上露露人之肉即潰爛故鮑昭有苦熱行云瘴氣晝熏體萼露夜濡衣翠溼香嫋嫋應真飛

錫過厚孫綽遊天台賦云王喬控鶴以冲天應真飛錫以躡虛俾釋氏要覽云昔高僧隱峰遊五臺出淮西擲錫飛空而往西天比丘持

錫有二十五威儀凡至室中不得著地必挂於壁牙故釋子稱遊行僧為飛錫安住僧為挂錫絕澗度雲鳥舉意

欲從之翛然已松杪微言粲珠玉未說意先了覺

來如墮空耿耿窗戶曉羣生陷迷網獨達從古少

杜叟子何人長嘯萬物表妻孥空四壁次公司馬相如家徒四壁立

振策念輕矯厚孫綽賦云被毛褐之森森振金策之鈴鈴注曰金策錫杖也又云晒夏蟲之疑冰整輕翻而思矯遂

為赤城遊次公支遁天台山銘序云往天台當由赤城山為道徑孔靈符會稽記曰赤城山名色皆赤狀似雲霞故孫綽賦云

赤城霞起而建標飛步凌縹緲問禪不歸舍屢為瓠壺

繞續倦遊錄金鑿長老問歐陽景取書索米於玉泉長老景授一絨及詩一絕云金鑿來覓玉泉書金玉相逢賈倍珠到了不干藤蔓事壺蘆

自去纏何人識此志佛眼自照瞭我夢君見之卓爾非

魔嬈僊葩發茗椀翦刻分葵蓼次公此言其所點茶之詳也先生十八羅漢頌後跋云

佛滅度後闍浮提衆生剛很自用莫肯信入故諸聖賢皆隱不見獨以像設遺言提引未悟而峨嵋五臺廬山天台獨出光景變異使人了然見之

軼家藏十六羅漢像每設茶供則化為白乳或凝為花木桃李芍藥僅可指名從今更不出閉戶閑驪

裏時從佛頂巖馳下雙蓮沼

慶源宣義王丈人以累舉得官為洪雅主簿

雅州戶掾遇吏如家人人安樂之既謝事
居眉之青神瑞州橋放懷自得有書來求
紅帶既以遺之且作詩為戲黃魯直學士
秦少游賢良各賦一首為老人光華

青衫半作霜葉枯遇民如兒吏如奴吏民莫作官
長看我是識字耕田夫妻啼兒號刺史怒

作王元直墓表云初季父慶源官於雅州以論事不合取官長怒即謝病去時有野人來挽須拂衣

自注下下考師前漢陽城為道州刺史觀察使謂稍讓上考功第城自署曰撫字心勞徵科政拙宜考下下芋魁

飯豆吾豈無援翟方進傳童謠曰飯我豆食羹芋魁歸來瑞州橋邊路獨遊

還佩平生壺援杜牧之獨酌詩云獨佩一壺遊秋毫太山小慈姥巖前自喚度青

衣江畔人爭扶子仁慈姥巖青衣江皆在清神縣今年蠶市數州集蠶市

見前和子由蠶市詩注中有遺民懷袴襦邑中之黔相指似白顛

紅帶老不癯援左傳澤中之皙實與我役邑中之黔實獲我心我欲西歸卜鄰舍

隔牆撫掌容歌呼不覺王山乘駟馬回頭空指黃

公壚次公曰王王戎也山山濤也

贈王子直秀才

萬里雲山一破裘杖端閒挂百錢游續晉阮修字宣子常步行百錢挂杖

頭至酒店便獨酣暢而飲五車書已畱兒讀厚莊子惠施多方其書五車二頃田應為

鶴謀次公子直住鶴田山水底笙歌蛙兩部續南史孔稚圭門庭之內艸萊不翦中有蛙鳴或問

之曰欲為陳蕃乎稚圭曰我以此當兩部鼓吹何必效蕃山中奴婢橋千頭厚威弘之荊州記李衡字叔平仕吳

為丹陽太守遣客於武陵龍陽汎州種柑橋千株臨死語其子曰吾有千頭木奴不責汝衣食歲得千匹絹亦足用矣幅巾我欲

相隨去海上何人識故侯援漢邵平故秦東陵侯也秦破為布衣種瓜長安城東

贈鄭清叟秀才

風濤戰扶胥海賊橫泥子

次公扶胥泥子皆經海之處也

胡為犯二怖

博此一笑喜問君奚所欲欲談仁義耳我才不逮

人所有聊足已安得相付予過聽君誤矣霜風掃

瘴毒冬日稍清美年來萬事足所欠惟一死

續冷齋夜話摩訶衍

對梁世祖云貧道客食陛下三十年恩德厚矣無所欠所欠者只一死耳次公宗預曰吾等年踰七十一切已過但少一死耳

澹然兩無

求滑淨空斐几

援王羲之嘗詣門生家見斐几滑淨因書之真州相半後其父誤刮去之門生驚愕者累日

贈嶺上老人

鶴骨霜顙心已灰青松合拍手親栽問翁大庾嶺

頭住曾見南遷幾箇回

贈楊耆

并引

西蜀楊耆二十年前見之甚貧今復見之益貧所

異於昔者蒼顏白髮耳女無美惡富者妍士無賢

不肖窮者鄙使者逢時遇合豈必減當世之士哉

頃宿扶風驛舍夜半逆旅有歌者其聲悲甚起問

之蓋昔富今貧者余亦為悽然因飲之以酒而作

此詩今日寒雨不止忽憶其事且念楊君之栖遲

與逆旅者何異故出以與之

孤邨微雨送秋涼逆旅愁人怨夜長不寐相看惟

櫪馬悲歌互答有寒蟿天寒滯穗猶橫畝歲晚空

機尚倚牆勸爾一杯聊復睡人間貧富海茫茫

送荀芍藥與公擇二首

四百五十一
久客厭虜饌

蜀人謂東北人虜子

枵然思南烹

子仁退之詩我來禦魑魅自宜味南烹

非不朽然大也

故人知我意千里寄竹萌

次公荀曰竹萌出筍譜任老蘇云竹萌抱淨節

頭玉嬰兒一脫錦裯

次公唐人食筍詩稚子脫錦裯頭玉香滑

庖人應未識

旅人眼先明我家拙廚饌

客燒煮配香稗

今日忽不樂折盡園中花園中亦何有芍藥裊殘

葩久旱復遭雨紛披亂泥沙不折亦安用折去還

可嗟棄擲諒未能送與謫僊家還將一枝春插向

兩髻了

次公謫僊指言公擇以其姓李故也堯卿文忠詩云小婢立我前赤脚兩髻了

次韻關令送魚

舉網驚呼得巨魚饒涎不易忍流酥更煩赤脚長

須老

次公退之寄玉川子詩一奴長須不裹頭一婢赤脚老無齒又詩云先生有意許降臨更遣長須致雙鯉

來聽西風十

幅蒲

師國史補云舟船之盛盡於西江編蒲為帆大者或數十幅自白沙沂流而上常待東北風謂之潮信風

丁公默送蝓蚌

堯卿胡越風物志云蝓蚌并蝓十足生海邊泥穴中潮退採取之四時常有雌

者屬大而肥重者踰數斤去膠渾者熟分擘薦酒切為羹其小而黃者謂之石蝓蚌肉硬

溪邊石蟹小如錢喜見輪困赤玉盤半殼含黃宜

點酒兩螯斫雪勸加餐

伯恭西陽雜俎云蝓蚌大者長尺餘兩螯最強鄧縣昔有人於水際泥穴採取

之手為左螯所夾即以口齧目所又為右螯所翦有頃而死至今呼此為蝓蚌洲

蠻珍海錯聞名久怪

雨腥風入座寒堪笑吳興饒太守一詩換得兩尖

團

次韻樂著作送酒

少年多病怯杯觴老去方知此味長萬斛羈愁都

似雪

次公庾子山愁賦云唯將一寸心貯此萬斛愁

一壺春酒若為湯

次公後漢閻忠干說皇甫嵩曰

摧強易於折枯消堅甚於湯雪

送牛尾狸與徐使君

時大雪中

風卷飛花自入帷一尊遙想破愁眉泥深厭聽雞

頭鶻

蜀人謂泥滑滑為雞頭鶻龜父遜齋閒覽云白蟻聞竹雞之聲化為水今在處山林皆有之聲自呼為泥滑滑者是也

酒

淺欣嘗牛尾狸

次公先生詩有因題中三字而為之對如以白茅薑對黃耳菌下以梅黃雨對船趨風與今以雞頭

鶻對牛尾狸同格其意自貫不害為工

通印子魚猶帶骨

共父遜齋

韓酉陽雜俎云洪州有牛尾狸肉甚美閒覽云蒲陽通應子魚名著天下蓋其地有通應侯廟廟前有港港中之魚最佳今人必求其大可容印者謂之通印子魚堯祖酉陽雜俎云印魚長一尺三寸額上四方如印有字諸大魚應死者皆印封之

纖手為我磨刀削玉肌

杜沂遊武昌以酴醾花菩薩泉見餉二首

子翬先生菩薩泉銘序云陶侃送阿育王所鑄文殊師利像於武昌寒溪寺今寒溪之西數百步別為西山寺泉出色白而甘

號菩薩泉

酴醾不爭春寂莫開最晚青蛟走玉骨羽蓋蒙珠

憶不妝豔已絕無風香自遠淒涼吳宮闕

武昌有孫權故宮苑

紅粉埋故苑至今微月夜笙簫來翠巘餘妍入此

花千載尚清婉

次公以武昌有孫權故宮故特用吳宮嬪嬙之魂為意耳

怪君呼不歸定

為花所挽昨宵雷雨惡花盡君應返

君言西山頂自古流白泉上為千年乳下有萬石

鉛不媿惠山味但無陸子賢願君揚其名庶託文

字傳寒泉比吉士

次公寒泉詩爰有寒泉在浚之下

清濁在其源不食

我心惻

程易井卦井渫不食使我心惻

於泉非所患嗟我本何有虛名

空自纏不見子柳子餘愚污溪山厚柳宗元謫居永州更名冉溪為愚溪

徐使君分新火

臨臯亭中一危坐子仁先生初寓黃寓居定惠院後自定惠徙居臨臯亭本回車院也三月清明

改新火溝中枯木應笑人續莊子百年之木破為犧尊青黃而文之其斷在溝中鑽灼

不然誰似我黃州使君憐久病分我五更紅一朵從

來破釜躍江魚只有清詩嘲飯顆援唐史李白以杜甫餓

云飯顆山頭逢杜甫頭帶笠子日卓午試問因何太瘦生總為從前作詩苦起攜蠟炬繞空屋欲事

烹煎無一可任石鼎聯句云巧匠琢山骨剗中事煎烹為公分作無盡燈續維摩詰言無

盡燈者譬如一燈然千百燈冥者皆明明終不盡照破千方昏暗鎖

謝陳季常惠一措巾師措於感切藏也

夫子胸中萬斛寬此巾何事小團團半升僅漉淵

明酒續南史陶潛傳郡將候潛逢其酒熟取頭上葛巾漉酒畢還復著之二寸纔容子夏冠厚前漢杜

欽字子夏茂陵杜鄴與欽同姓字俱以才能稱京師故衣冠謂欽為首杜子夏以相別欽惡以疾見詆乃為小冠高廣纔二寸由是京師更謂欽為

小冠子夏云好帶黃金雙得勝可憐白紵一生酸堯卿謂季常有文事而又

有武備黃金得勝乃戰陳得捷之人所戴也吳有白紵巾案舊史白紵吳地所出白紵舞乃吳舞也敬夫宋書樂志有白紵舞樂府解題白紵曲曰質如輕雲色如銀製以為袍餘作巾袍以充體巾拂塵臂弓腰箭何時去直上陰山取

可汗

次韻周種惠石鈹

銅腥鐵澀不宜泉愛此蒼然淡且寬蟹眼翻波湯

已作龍頭拒火柄猶寒厚道士韓軒彌明石鼎聯句云龍頭縮菌蠢豕腹脹膨脝次公龍頭言拒火則

掉所刻之柄也舊注所引乃鼎之狀耳非是薑新鹽少茶初熟水漬雲蒸蘚未

乾厚石鼎聯句又云外苞乾蘚文中有暗浪驚自古函牛多折足續淮南子函牛之鼎沸則蟻不得置

一足焉又易鼎卦鼎折足覆公餗要知無脚是輕安次公衝波傳曰孔子使子貢於吳久而不來謂弟子曰無足者乘舟而來矣子貢朝至如回言

泗州除夜雪中黃寔送酥酒二首元豐七年甲子作

莫雪紛紛投碎米春流咽咽走黃沙舊遊似夢徒

能說逐客如僧豈有家次公逐客先生自謂黃州之謫也史記李斯傳秦一切逐客李斯議亦在逐中

冷研欲書先自凍孤燈何事獨成花續西京雜記樊噲問陸賈曰自古人君受命於天云有瑞應豈有是乎賈曰日暈得酒食燈花得錢財

乾鵲噪而行人至蜘蛛集而百事喜小既有徵大亦宜然使君半

夜分酥酒驚起妻孥一笑譁

關右土酥黃似酒次公金城土酥淨如練土酥者彼中土酥之名也揚州雲液却如

酥次公梁孝標謝啓有松子玉漿衛卿雲液欲從元放覓拄杖厚太平廣記左慈字元放孫討逆欲殺之使慈

行於馬前欲自後刺之慈著一木履拄一竹杖徐徐而行討逆著鞭策馬終不能及忽有麴生來坐隅續集

異記載朝官數人誦葉法善座上思酒忽有人叩門稱麴秀才論難逢起葉疑其妖以劍擊之化為酒壺坐客飲之撫餅曰麴生風味不可忘一說張燕公說誦葉善師命酒彌日無他客師曰此有麴處士者性謹而訥頗耽於酒說命召之斯須而至其形不及三尺而腰帶數圍使坐於下酒至杯盃皆盡而神色不動燕公將去師忽奮劍叱麴生曰曾無高談虛論唯耽於酒亦何用哉因斬之巨榼而已對雪不堪令

冷暖隔船應已厭歌呼厚曹參傳相舍後園近吏舍日飲歌呼參聞之乃反取酒張坐飲大歌呼相和

明朝積玉淡三尺高枕牀頭尚一壺

章錢二君見和復次韻答之

黃昏已作風翻絮半夜猶驚月在沙照汴玉峰明

佛刹隔淮雲海暗人家來麴有信迎三白次公來麴言麥也詩曰貽

我來麴而西人之語云欲宜麥見三白謂三度見雪也蒼蘆無香散六花蒼蘆梔子花與雪花皆六出續韓詩

外傳凡艸木花皆五出而蒼蘆六出欲喚阿咸來守歲林雅攪馬鬪喧譁

次公老杜於杜位宅守歲詩云守歲阿咸家椒盤已頌花盞簪喧攪馬列炬散林雅杜位者公之從弟也蓋阮籍謂兄子咸為阿咸

分無纖手裁春勝況有新詩點蜀酥

次公春勝元日所戴也蜀中人家多

誇婦女以點酥詩釘坐

醉裏冰髭失瓔珞夢回布被起廉隅君應

旅睫寒生暈我亦飢腸夜自呼明日南山春色動

不知誰佩紫微壺

次公紫微指杜牧也牧為紫微舍人有獨酌詩曰獨佩一壺遊秋毫泰山小

次韻趙令鑠惠酒

神仙無石髓

次公神仙傳王烈字長休嵇叔夜嘗就學共入山采藥後烈獨之太行山中忽聞山東北如雷聲烈往視之乃

見山坡石裂數百步中有青泥流出如髓烈取泥試丸之氣如粳米飯嚼之亦然烈食數丸因攜少許歸欲與叔夜曰吾得異物叔夜喜取視之已成青石又案神仙經云神山五百年輒一開其中石髓出得而服之壽等天地烈前得者必是也

待玉膏流

續十洲記瀛洲有玉膏如酒名曰玉酒飲數升輒醉令人長生次公山海經云密山之上川水出焉其中多玉膏其源

沸湯黃帝是食玉膏之出玉色乃清玉味乃馨堅栗精密曜而有光五色發作以和柔剛天地鬼神是食是享君子服之以禦不祥

真旦莫青州老從事馬上非所部

厚桓温有主簿善別酒好者謂青州從事惡者

謂平原督郵蓋青州有齊部平原有革縣從事謂到臆下督郵言焉上住

惠然肯見從

子仁詩云惠然肯來

憎市醑開餅自洗殘殺核誰與具

師毛詩殺核惟旅

門前聽

剥啄烹魚得尺素

杜介送魚

新年已賜黃封酒舊及仍分鱖尾魚

鱖詩鱖魚鱖尾

陋巷關

門負朝日小園除雪得春蔬病妻起斫銀絲膾

厚杜

詩鮮魷銀絲膾

稚子歡尋尺素書醉眼朦朧覓歸路松江煙

雨晚疎疎

次韻宋肇惠澄心紙二首

居仁詩文發源云澄心堂紙乃江南李後主所

製劉貢父詩云當時百金售一幅澄心堂中千萬軸後人聞此那復得就使得之當不識

詩老囊空一不留

子仁杜詩囊空恐羞澀留得一錢看詩老指梅聖俞也

百番曾作百

金收

永叔以澄心百幅遺聖俞聖俞有詩

知君也要雕肝腎分我江南數

斛愁

厚庾亮賦云且將一寸心能容萬斛愁澄心紙江南李後主所製也故曰江南數斛愁又退之詩不用雕琢愁肝腎

君家家學陋相如

次公宋肇蓋子京家子京好為險澀之語故言其家學陋相如也

宜與諸

儒論石渠

師漢天祿石渠皆儒臣著述之館

古紙無多且分我自應給

札奏新書

倬漢武帝詔尚書給筆札令司馬相如賦子虛雲夢之賦

次韻王晉卿惠花栽栽所寓張退傳第中

坐來念念失前人共向空中寓一塵若問此花誰

是主天教閒客管青春

謝關景仁送紅梅栽二首

年年芳信負紅梅江畔垂垂又欲開珍重多情關

令尹直和根撥送春來

為君栽向南堂下記取他年著子時酸醎不堪調

眾口使君風味好攢眉

以屏山贈歐陽叔弼

漫郎天骨清

續唐元結自稱浪士及有官人呼為漫郎

生與世俗異學道新有

得為貧聊復仕每於紅塵中常起青霞志

次公江淹恨賦云中散下

獄神氣激揚鬱青霞之奇意入修夜之不暘

屏山輟贈子莫遣汗簪珥寓目紫

翠間安眠本非睡夢中化為鶴飛入長松寺

洞庭春色

并引

安定郡王以黃柑釀酒謂之洞庭春色色香味三

絕以餉其猶子德麟德麟以飲余為作此詩醉中

信筆頗有沓拖風氣

二年洞庭秋次公洞庭秋言柑也大湖洞庭山上出美柑所謂洞庭柑熟欲分金也香霧長喫手

今年洞庭春玉色疑非酒賢王文字飲醉筆蛟蛇

走任李白州書歌悅悅如聞神鬼驚時時又見龍蛇走既醉念君醒遠餉為我壽餅

開香浮座瓊凸光照牖方傾安仁醺潘岳笙賦云披黃包以授柑傾縹瓷

以酌醺莫遣公遠明皇食柑凡千餘顆皆闕一瓣問進柑使者云中塗常有道士與之蓋羅公遠也要當

立名字未用問升斗援杜甫詩云月出遮我留仍嗔問升斗應呼釣詩鈎亦

號埽愁帚子仁李後主中酒詩莫言滋味惡一慧埽寒愁君知蒲萄惡次公蒲萄言酒也前漢大宛以

蒲萄為酒富人藏酒至萬餘石又唐書破高昌取蒲萄實於苑中種之并得其酒法上自損益造酒成凡有八色

正是嫫母次公楚詞西施媸媸而不得見嫫母勃屑而日侍黝黑也須君灑海杯澆我談天口次公史記

齊人頌曰談天衍雕龍奭又田駢有天日之號故參用之

次韻趙德麟雪中惜梅且餉柑酒三首

千花未分出梅餘遣雪摧殘計已疎臥聞點滴如

秋雨知是東風為埽除

閨苑千葩映玉宸人間只有此花新飛雲欲要先

桃李散作千林火迫春次公唐史云火迫鄼侯火迫者急忙之謂今言梅花飛雲又欲急作桃李之春

也敬夫唐史云源休導朱泚僭號姚令言勸泚圍奉天二人爭自比蕭何休顧令言曰成秦之業無輩我者我視蕭何子當曹參可矣即收圖籍貯府庫效何者人皆

笑謂為火迫鄼侯

蹀躞嬌黃不受鞮次公嬌黃言柑也東風暗與色香歸偶逢

白隋爭春酒厚海東劉白隋善釀酒曝於日中經旬酒味不動飲之醉而不醒永熙中青州刺史毛鴻賓賣酒之蕃路逢劫盜飲之即醉皆被擒因此名擒姦酒游遣入王孫玉罕飛

俠語曰不畏張弓拔刀惟畏白隋春醪

到官病倦未嘗會客毛正仲惠茶乃以端

午小集石塢戲作一詩為謝正仲名漸衢之江山人也

我生亦何須一飽萬想滅胡為設方丈養此膚寸

舌邇來又衰病過午飯輒噎繆為淮海帥每媿廚

傳缺次公淮海言揚州也漢宣帝詔曰吏或飾廚傳稱過使客注公廚謂飲食傳謂傳舍爨無欲清人奉

使免內熱續曰莊子葉公子高將使齊問於仲尼曰吾食也執粗而不臧爨無欲清之人今吾朝受命而夕飲水我其內熱與

空煩赤泥印子仁劉夢得試茶歌何況蒙山顧渚春白泥赤印走風塵遠致紫玉玦曾茶錄云

茶色貴白而餅茶多以珍膏油其面故有青黃紫黑之異為君伐羔豚歌舞菰黍節次公

周處風土記曰端午以菰葉裹粘米謂禪窗麗午景蜀井出水

雪次公揚州有蜀岡岡上有井水最宜茶也坐客皆可人援禮記孔子曰管仲遇盜取二人焉曰可人也又晉書桓温過

王敦墓曰鼎器手自潔金釵候湯眼魚蟹亦應訣子仁

云凡候湯有三沸如魚目微有聲為一沸四邊如湧泉為二沸騰波鼓浪為三沸湯老矣遂令香色味一日備

三絕報君不虛受知我非輕啜

生日劉景文以古畫松鶴為壽且貺佳篇

次韻為謝

問子一室間寧有千里廓塵心洗長松遠意發孤

鶴生朝得此壽死籍疑可落續抱朴子云小餌丹法服之二日司命削其死籍次公李太白

詩北鄴落死名微言在參同厚魏伯陽作參同契之書次公白樂天詩云授我參同契其辭妙且微潘案神

仙傳魏伯陽齊會稽上虞人也得古文龍虎妙契藏九龕援鮑昭升上經盡獲妙旨公因約其象著參同契三卷天行云五

圖發金記九龕隱丹經注云仙家有九轉金丹法而龕所以藏書也故人有奇趣逸想寄幽壑霜

枝謝寒暑雲翻無前却何須構明堂厚白樂天松詩殺身獲其所為君構

明未羨巢阿閣厚帝王世紀曰黃帝時天氣休通五行期化鳳皇巢於阿閣緬懷別時語

復作數日惡續晉書王羲之謝安嘗謂曰中年以來傷於哀樂與親友別輒作數日惡詩腴固堪餐

字瘦還可愕次公中興間氣集載高仲武評郎士元詩曰可齊衡古人掩腴前輩高標忽在眼

清夢了如昨君今噲等伍厚韓信廢為淮陰侯嘗過樊噲噲趨拜曰大王乃肯臨臣信曰生乃與

噲等為志與湛輩各援晉書羊祜登峴山慨然顧謂從事鄒湛等曰自有宇宙便有此山由來賢達勝士登此遠望

如我與君者多矣皆湮滅無聞使人悲傷湛曰公德冠四海道嗣前哲令聞令望必與此山俱傳至若湛輩乃如公言耳

言方為不朽託子雲老執戟長孺終主爵厚汲黯字長孺為主爵都尉列於九卿後以鯁直不容上益疎之

子亦鄙衛霍援赤松子神農時兩師服水玉得仙王子喬周靈王太子晉也

程德孺惠海中柏石兼辱佳篇輒復和韻

嵐熏瘴染却膚腴次公言德孺自廣南使還也笑飲貪泉獨繼吳未

欲連車收薏苡援後漢馬援在交趾常餌薏苡以實用能輕身省慾以勝瘴氣及軍還載一車欲以為種時人讓之以為皆明珠

肯教沈網取珊瑚厚唐書西域傳大秦西南漲海中八百里到珊瑚洲洲底有盤石珊瑚生其上

不知庾嶺三年別厚九域志大庾嶺本屬虔州大庾縣淳化三年

海人乘大舶沈鐵網水底以鐵發其根而取之

以縣置南安軍收得曹谿一滴無厚傳燈錄僧問清涼如何是曹谿一滴但指庭前雙

柏石要余臨老識方壺次公列子渤海之東有大壑名曰歸墟其中有岱輿員嶠方壺也

吳子野將出家贈以扇山枕屏

峨峨扇中山絕壁信天剖誰施大圓鏡厚楞嚴經云又於自心現大圓鏡內放十種微妙寶光衡霍入戶牖厚爾雅疏衡山一名霍山漢武帝移岳神於天柱又名天柱為霍故漢以來衡霍別耳

得之老月師畫者一醉叟常疑若人胸自有雲夢

藪千巖在掌握用舍彈指久次公杜詩大千在掌握而佛書所謂一彈指頃也低

昂不自知恨寄兒女手短屏雖曲折厚南史王遠時人謂為屏風屈曲從俗

也高枕謝奔走出家非今日法水洗無垢厚維摩經言八解之浴池

定水湛然滿布以清淨花浴此無垢人也

浮游雲釋嶠韓退之詩戀池羣鴨回釋嶠孤雲縱燕坐柳生

肘續莊子支離叔與骨介叔觀於冥伯之丘昆侖之墟黃帝之所休而柳生其左肘

蘇東坡詩集注卷九 文蔚堂

中山松醪寄雄州守王引進

鬱鬱蒼顏千歲姿肯來杯酒作兒嬉流芳不待龜

巢葉唐以荷葉為酒杯謂之碧筒酒厚脞說魏正始中鄭公愨三伏之際率賓僚避暑於歷城取大荷葉盛酒以簪刺葉令與柄通傳喻之名為碧筒次公史記載千歲之龜其大如錢遊於蓮葉之上也埽白聊煩鶴蹋枝次公鶴蹋枝言松也古詩

鶴蹋也云蚪枝醉裏便成敲雪舞醒時與作嘯風辭馬軍走

送非無意厚杜甫謝嚴中丞送乳酒詩云鳴鞭走送憐漁父洗琰開嘗對馬軍玉帳人閒合有

詩次公玉帳將軍帳也古有玉帳經

歐陽晦夫惠琴枕

歐陽晦夫惠琴枕

中郎不眠仰看屋續中郎蔡邕也伏滔長笛賦序曰蔡邕避難江南宿於柯亭柯亭之館以竹為椽邕仰而盼之

得此古椽圍尺竹次公劉禹錫詩修竹盈尺圍輪困獲

落非笛用次公鄒陽云枯木輪困為萬乘器又惠子云大瓠落無所容也剖作袖琴微軫

足流傳幾處到淵明臥枕綸巾酒新漉孤鸞別鶴

誰復聞子仁淵明詩知我故來意取琴為我彈上絃驚別鶴下絃離孤鸞鼻息齁齁自成曲

歐陽晦夫遺接羅琴枕戲作詩謝之

攜兒過嶺今七年遠途更著黎衣冠次公黎謂生黎也儋州之俗呼山嶺為黎

白頭穿林要藤帽赤脚渡

水愁花縵次公杜詩遙望青松架短壑安得赤脚踏層水不愁故人驚絕倒子仁晉衛玠字叔寶

但使俚俗相恬安見君合浦

如夢寐挽須握手俱汎瀾次公謝安起挽桓伊須曰使君於此不凡妻縫接羅

霧縠細兒送琴枕冰微寒無絃且寄陶令意倒載

猶作山公看援晉山簡為荊州習氏有池簡每出嬉遊輒醉名之曰高陽池童兒謠曰山公出何許往至高陽池日暮倒載歸

我懷汝陰六一老次公歐陽永叔自號六一居士汝陰潁州也永叔嘗為潁

醕酌無所知時時能

騎馬倒著白接羅

州眉宇秀發如春巒羽衣鶴氅古仙伯岌岌兩柱

扶霜紈次公白接羅中之製也至今畫像作此服凜如退之加渥

丹子仁魏泰東軒雜錄晏公一日見韓愈畫像語坐客曰此貌大類歐陽修安知愈非後身也詩云顏如渥丹邇來前輩皆

鬼錄續魏略文帝與吳質書曰徐陳應劉一時傾逝今視其文皆為鬼錄我亦帶脫巾敲寬作

詩頗作六一語往往亦帶梅公酸次公梅公聖俞也

謝人惠雲巾方鳥二首

燕尾稱呼理未便翦裁雲葉却天然無心只是青

山物覆頂宜歸紫府仙轉覺周家新樣俗未容陶

令舊名傳續陶潛以葛巾漉酒鹿門佳士勤相贈黑霧玄霜合比

肩

胡鞞短勒格粗疎古雅無如此樣殊妙手不勞盤

作鳳輕身只欲化為鳧魏風褊儉堪羞葛楚客豪

華可笑珠擬學梁家名解脫便於禪坐作跏趺續詩

魏風葛屨刺褊也楚公子春申君客皆躡珠履梁武帝作解脫履

贈眼醫王生彥若

鍼頭如麥芒氣出如車軸續素問曰鍼頭如芒氣出如篴間關絡脈中

性命寄毛粟而況清淨眼內景含天燭琉璃貯沆

瀟堯卿張平子賦注云沆瀟北方夜半之氣輕脆不任觸而子於其間來往施

鋒鏃笑談紛自若觀者頸為縮運鍼如運斤厚莊子雜篇郢

人堊漫其鼻端若蠅翼使匠石斲之運斤成風盡堊而鼻不傷去翳如折屋常疑子善幻

他技雜符祝子言吾有道此理君未矚形骸一塵

垢貴賤兩州木世人方重外續莊子外篇以瓦注者巧以鈎注者憚以黃金注者昏其巧一

也而有所矜則外重也凡外重者內拙 妄見瓦與玉而我初不知刺眼如刺

肉君看目與翳是翳要非目目翳苟二物易分如

麥菽寧聞老農夫去艸易傷穀鼻端有餘地肝膽

分楚蜀吾於五輪間蕩蕩見空曲次公五輪者眼科之常談 如行九

軌道並驅無擊轂次公周禮經涂九軌詩云並驅從兩肩兮又蘇秦云臨淄之塗車擊轂人肩摩 空山

誰開落援楞嚴經云亦如翳人見空中花翳病若除花於空滅 明月自朏朏次公釋名朏月始

生魄然也注承大月月生三日謂之魄承小月月生謂之朏又晦而西方謂之朏朔而見東方謂之朏朏音斐朏音他了反朏音女六反注朏健行貌也胸者縮遲貌也 請問樂全堂忘言老尊宿彥若樂全先生門下醫也

陳季常見過三首

仕宦常畏人退居還喜客君來輒館我未覺雞黍

窄東坡有奇事已種十畝麥但得君眼青續晉阮籍尤能為青

白眼見禮法之士以白眼對之及見嵇喜籍作白眼喜不憚而退喜弟康聞之乃齎酒挾琴造焉籍大悅乃見青眼由是禮法之士疾之若仇 不

辭奴飯白厚杜詩為君沽酒滿眼酷與奴白飯馬青芻

送君四十里只使一帆風江邊千樹柳落我酒杯

中此行非遠別此樂故無窮但願長如此來往一

生同

聞君開龜軒東檻俯喬木人言君畏事欲作龜頭

縮我知君不然朝飯仰暘谷次公暘谷日所出也見淮南子龜燕日氣而壽故養生者服日

華所以效之 餘光幸分我續史記甘茂謂蘇秦曰貧人女與富人女會績貧人女曰我無以買燭而子之燭光幸有餘子

可分我餘光無損子明 不死安可獨次公孟簡謂韓退之曰我得祕藥不可獨不死今遺子一器事見退之太常博士李

君墓志

贈劉景文

荷盡已無擎雨蓋菊殘猶有傲霜枝一年好景君須記正是橙黃橘綠時

虔州呂倚承事年八十三讀書作詩不已

好收古今帖貧甚至食不足饒潘子真詩話補遺呂倚夢得維揚

人少有場屋聲善屬對喜收書畫踴躍不偶老始以恩補虔州瑞金簿致仕貧無以歸年八十餘唯有一女嫁贛人因居焉與王禹玉有舊元豐間餉錢二萬酒十壺夢得作啓致謝隔句中用白水真人青州從事為對禹玉極歎賞之其後東坡過虔以詩遺之云

揚雄老無子次公揚雄以童烏之死其後竟無子馮衍終不遇續馮衍娶北地任氏為妻老竟逐之

遂坎塲於時不識孔方兄厚魯褒錢神論曰親之如兄字曰孔方但有靈照女續龐蘊女靈照

家藏古今帖墨色照箱篋飢來據空案一字不堪煮枯腸五千卷續盧仝茶詩三椀搜枯腸惟有文字五千卷磊落相撐

拄吟為蜩蛩聲時有鳥可句次公賈島可明二人之詩皆清而苦為語里長者德齒敬已古如翁有幾人薄少可時助續退之贈盧仝詩俸錢供

給公私餘時致薄少助祭祀郭綸續本河西弓箭手屢戰有功不賞自黎州都監官滿貧不能歸令權嘉州監稅

河西猛士無人識日莫津亭閱過船路人但覺驄馬瘦不知鐵槊大如椽因言西方久不戰截髮願

作萬騎先我當馮軾與寓目續晉楚次于成濮楚子玉請戰曰請與君之士戲君馮軾而觀

看君飛矢射蠻羶

鐵溝行贈喬太博堯卿名敘字禹功

城東坡隴何所似風吹海濤低復起堯卿杜詩嘉陵江上何所似石黛碧玉相

依城中病守無所為走馬來尋鐵溝水鐵溝水淺

文蔚堂

宋史詩集注卷九

五十九

卯玉

不容轉恰似當年韓與侯

續退之詩吾黨侯生字叔起呼我持竿釣温水有魚無

魚何足道

厚韓詩又云此縱有魚何足求

駕言聊復寫我憂孤邨野店

亦何有欲發狂言須斗酒山頭落日側金盆

厚杜贈蜀僧詩

夜闌接輓語落月傾金盆

倒著接離搔白首忽憶從軍年少時輕裘

細馬百不知臂弓腰箭南山下追逐長楊射獵兒

續漢成帝命右扶風發民入南山捕熊羆虎豹之屬輸長楊射熊館以網為周陸縱禽獸其中令胡人手搏之上親臨觀揚雄獻賦以諷見雄傳

老去同君兩顛顛犯夜醉歸人不避明年定起故

將軍未肯先誅霸陵尉

續李廣屏居藍田南山中射獵嘗夜從一騎出從人田間飲還至亭霸陵尉

醉訶止廣廣騎曰故將軍尉曰今將軍尚不得夜行何故也宿廣亭下居無何廣為右北平太守請霸陵尉與俱至軍斬之堯卿禹功嘗欲換武故有此句其後果換左藏知施州又作詩云今年果起故將軍蓋謂此言明驗

游山呈通判承議寫寄參寥師

煌煌世胄餘夫子非碌碌由來有詩書所以能絕

俗得官本河朔瓜期未易促扁舟下南來逸駕追

鳴鵠遇勝即徜徉風餐兼露宿嗟余偶傾蓋一笑

外羈束杖策每過從相攜訪山谷東風披鮮雲繡

錯出林麓松門有時盡幽景無斷續厓轉聞鐘聲

林疎見華屋銜山餘落景歸迹猶躑躅誰云鄴下

歡往事不可復吾曹二三子取樂亦云足願公寄

新詩一一能見錄船頭行北歸囊橐有美玉塵埃

京洛人亦與洗心目

贈仲勉子文

雨昏南浦曾相對雪滿荊州喜再逢有子才如不

羈馬知君心似後彫松閒看書冊應多味老傍人
門想更慵何日晴軒親筆研一杯相屬更從容

成伯席上贈所出妓川人楊姐

坐來真箇好相宜深注唇兒淺畫眉須信楊家佳
麗種洛川自有浴妃池

常山贈劉鎡

劉侯年少日駿馬拊便面援弓雁自落不待白羽
貫

呈定國

舊病應逢醫口藥新妝漸畫入時眉信知詩是窮
人物近覺王郎不作詩

贈狄崇班季子

狄生臂鷹來見客不會揖踞牀咤得雋借箸數禽
入短後羽豹裘猶濺猩血溼指呼索酒嘗快作長
鯨吸半酣論刀槊怒髮欲起立北方老獅子狂突
尚不繫要須此慄悍氣壓邊烽急夜走追鋒車生
斬活離級持歸獻天王封侯穩可拾何爲走獵師
日使羣毛泣

贈李彥威秀才

魏王大瓠實五石種成濩落將安適可憐公子持
十牛海上三年竟何得先生少負不羈才從軍數
到單于臺天山直欲三箭取白衣將軍何人哉夜

逢怪石曾飲羽戲中戟枝何足數誓將馬革裹尸
還肯學班超苦兒女封侯衛霍知幾許老矣先生
困羈旅酒酣聊復說平生結韉猶堪一再鼓棄書
捐劔學萬人紈袴儒冠皆誤身窮途政似不龜手
與世羞爲西子顰如今惟有談天口雲夢胸中吞
八九世間萬事寄黃梁且與先生說烏有

去歲與子野遊逍遙堂日欲沒因並西山
叩羅浮道院至已二鼓矣遂宿於西堂今
歲索居僖耳子野復來相見作詩贈之

往歲追歡地寒窗夢不成笑談驚半夜風雨暗長
檠雞唱山椒曉鐘鳴霜外聲只今那復見髣髴似

三生

上韓柱國

韓氏三虎秉樞極中有一虎似偉節端居隱几學
無心夙駕入朝常正色犯時獨行太嶷囁回天不
忌真藥石輦致歸來荷二聖推排使至有衆力吾
儕小人但飽食不有君子何能國西湖醉臥春水
船如何爲人作豐年

用定國韻贈二十姪震

衡門老苔蘚行柏千兵屯開尊邀落日未對烏鳥
言清風舉吹籟散亂書帙翻傳呼一何急人馬從
車奔貧居少賓客鄰婦窺籬藩牆頭過春酒綠泛

田家盆比來伏青蒲坐捉白獸尊王猷修潤色亦
有簿領煩朝廷貴二陸屢聞天語溫猶能整筆陳
媿我非韓孫

元祐癸酉八月二十七日於建隆章淨館

書贈王觀

海上東風犯雪來臘前先拆鏡湖梅遙思禁苑青
春夜坐待宮人畫詔回

贈山谷子

黃童三尺世無雙筆頭衮衮懸秋江不憂老子難
爲父平生崛強今已降我來喜共阿戎語應敵縱
橫如急雨生子還如孫仲謀豚犬漫多何足數黃

家小兒名拾得眉如長松眼如漆只今數歲已動
人老人畱眼看他日笑君老蚌生明珠自笑此物
吾家無君當置酒我當賀有兒傳業更何須

周教授索枸杞因以詩贈錄呈廣倅蕭大
夫

鄴侯藏書手不觸嗟我嗜書終日讀短檠照字細
如毛怪底昏花懸兩目扶衰賴有王母杖名字於
今挂仙錄荒城古塹艸露寒碧葉叢低紅菽粟春
根夏苗秋著子盡付天隨恥充腹蘭傷桂折緣有
用爾獨何損丹其族贈君慎勿比薏苡采之終日
不盈匊外澤中乾非爾儔斂藏更借秋陽暴雞壅

三首六
蘇東坡詩集注卷九
桔梗一稱帝堇也雖尊等臣僕時復論功不汝遺
異時謹事東籬菊

謁敦詩先生因畱一絕

凜凜人言君似雪我言凜凜雪如君時人盡怪蘇
司業不解將錢與廣文

贈王覲

何人生得寧馨子今夜初逢掣筆郎莫怪圍碁忘
瓜葛已能作賦繼靈光

贈人

別後休論信息疎仙凡自古亦殊途蓬山路遠人
難到霜柏威高道轉孤舊賞未應亡楚國新書聞

已滿皇都誰憐澤畔行吟者目斷長安貌欲枯

贈包安靜先生三首

皓色生甌面堪稱雪見羞東坡調詩腹今夜睡應

休

偶謁大中精藍中故人烹日
注茶果不虛故詩以記之

建茶三十片不審味如何奉贈包居士僧房戰睡

魔

昨日點日注極佳點此復云罐
中餘者可示及舟中滌神耳

蘇東坡詩集注卷第九

